






Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
4362/A/2











Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
4362/A/2





Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
4362/A/2





Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
4362/A/2



I  
ANT. MIZALDI  
MONLVCIANI METHO-

DVS NOVA, ET RARA, COMPA-  
randorum fructuum, olerum, ra-  
dicum, vuarum, & aliorum  
quæ corpus blandè &  
absque noxa  
purgent.

**N**EMINEM esse puto qui  
non liberè fateatur, circum-  
specti & prudentis Medici  
ingenium ac studiū eò ma-  
ximè conuerti debere, vt  
purgantium medicamento-  
rum, quæ vel sanis, vel ægris, præscribit, sapor,  
odor, &, quoad eius fieri potest, color, grati,  
plausibiles, ac blandi reddantur: vt oculi vten-  
tium, absque vlllo horrore, quod offertur aspi-  
ciant, nares sine despectu olfaciant, lingua, abs-  
que nausea, degustet: ac ventriculus, cum vni-  
uerso corporis assensu, iucundè & perlibenter  
amplectatur. Res ea, ardua sanè, si vnquam in  
votis fuit, hoc maximè tempore esse debet. In  
quo non tam fastidientes sunt stomachi, quàm  
delicatula palata, ac morosi & intraçtabiles

Quale de-  
beat esse  
cordati  
Medici  
studium.

B



Autoris  
scopus &  
institutū.

medicandi. Nam vel audito solius pharmaci, ceu carnificis cuiuspiam, nomine, nec dum viso, aut gustato eo, usque adeò fremunt, nauseant, commouentur, desudant, & expallescunt, ut nihil mors in illis commutatura videatur. Quod dum sollicitè animaduertentem, opere precium me facturum putavi, si facilem & expeditam methodum quampiam proponerem, qua duce quivis deinceps in suo hortulo, ne longius eundum sit, olera, radices, fructus, vvas, & ut paucis dicam, solita alimenta, in pharmaca & medicamenta purgantia, salubriter ac iucundè poterit convertere. Quæ non tam grata, quàm saluari impostura, beneficium nec præuisum, nec expectatum (saltem nescientibus) summum adferent. Nam siue manducabuntur, siue ex decocto, vel aliter, hauriètur, corpus adeò blandè, & absque ullo tædio, à superfluis & gravantibus excrementis vacuabunt, ut qui sumpsit, dicat, nihil sibi oblatum fuisse, nisi quod assuetum, familiare & quotidianum erat, applaudente visu, olfactu, gustatu, & vètriculi, corporisque vniuersi, assensu, ut diximus, & complexu sanè quàm grato. Constat tanti artificij lapsis hinc annorum duabus myriadibus, plus minùs, autores ac inuentores omnium primos, fuisse Pœnorum & Græcorum solertes Geopo-



*nicos ac medicos. A quibus, ceu per manus, tam nobile & salutare inuentum accepit, & diligenter excoluit M. Cato: Dioscorides approbavit, Columella nō ignorauit, Plinius proposuit, Ioannes Mesuæ intellexit, Palladius non omisit, Arnaldus Villanouanus multum locupletauit, & neotericorum medicorum, qui rerum experimenta profitetur, diligens obseruatio apprimè confirmauit, ac mirandum in modum adauxit. Beati medici, inquit summus ille philosophus & medicus à Villanoua, quibus Deus scientiam arcanorum naturæ impertiuuit, & secretorum suorum conscios fecit. Honora tales, ait, quoniam illos elegit Altissimus, & naturæ quasi socios esse voluit. Sed, prò dolor, inquit, multi sunt ad medicinam vocati, pauci verò electi. Verū enim uerò, in πελαγομελίοις versatum satis. Superest, vt rem, quod dicunt, acutangamus, & unicuique facili methodo ostendamus, quonam pacto deinceps in suo hortulo copiam salutarium ac suauiter purgantium medicamentorum, sibi & amicis comparare facile poterit. Sic itaque à verbis ad rem transeo.*

*De eligendis & apparandis medicis materiis, instituto idoneis. CAP. I.*

**O**MNIUM primum, si fieri potest, ineunda est tibi amicitia fidi ac periti alicuius medi-

B ij

Catalogus  
eorum qui  
de medi-  
catione  
Hortensium  
scripserunt.

Sententia  
verè au-  
rea, sed  
hodie pa-  
rum ani-  
maduersa.



Electio  
medica-  
mentorū  
huic insti-  
tuto ido-  
neorum.

ci: & eo presente, apud quempiam Pharmacopolam vel herbarium, rerum medicarum diuitem, seligenda (si aliter non liceat) sequentium medicamentorum simplicium, purgando corpori accommodatorum, syluula: vt hortenses materias variè purgantes experiaris. Sed medicamenta ea, recentia, &, quoad eius fieri poterit, succosa, ac è multis selecta esse debent: non exsucta, marcida, cariosa, olida, vieta, & ob id viribus exhausta, scopoque tuo prorsus inutilia. Si talia comparari non poterunt, saltem his proxima eligentur, & vbi operandum erit expurgabuntur, eluentur, &, si opus erit, negligenter contundentur, ac die vno, vel horis aliquot, sicuti ostendemus, in aqua, vel alio idoneo liquore, macerabuntur: vt ad ingenium redeant, & collabentes vireis recolligant, ne frustretur opus, qua dicemus methodo, aggrediundum. Verum enim uerò, prius quàm illi manū admoueamus, iucundum erit ac sanè quàm vtile, nosse facultates medicamentorum, quibus hortenses materiae tuae imbui debēt, vt hinc medicata ac medicamentosa euadāt, pro tibi proposito scopo. Auspicabimur itaque catalogum à medicamentis, quibus M. Catonem, & ante illum Pœnorum, Græcorūque geoponicos ac medicos ea in re vsos fuisse legimus. Hinc gradum facturi ad



recentiorum observationes, & eorum maximè  
 quos arcanorū naturæ locupletes esse nouimus.  
*Veratrum* seu *Elleborus*, præsertim niger, quo  
 maximè vsi fuerunt prisci, vtramque bilem ac  
 pituitam purgat. *Colocynthis* pituitam & bi-  
 lem cum humore mucoso à neruis. *Scammo-*  
*nea* (succus scāmōnij plantæ) bilem atram, nec-  
 non flauam, ex sanguine & partibus longinquis,  
 perinde atque planta ipsa. *Tithymali* omnes,  
 quorum genus agnoscit *Esula*, pituitam, aquas  
 & atram bilem. *Cucumer agrestis*, vel *asini-*  
*nus*, cuius succum *Elaterium* vocant, pituitam  
 & mucos à neruosis partibus. *Turbith*, pitui-  
 tam. *Lathyris*, aquas & pituitam: quomodo  
 etiam *Ricinus* seu *Palma Christi*. *Thymelæa*,  
 quæ *Persis Mezereon* dicitur, bilem, pituitā &  
 aquas. Hæc à priscis inter arborum & vitium  
 medicamentosas & purgantes materias, cōnu-  
 merata lego. Quæ, si quis obiiciat recenseri inter  
 violenta pharmaca, & ob id parum tuta esse:  
 huic responsū volumus, illorum vim ac fu-  
 rias frænari & alterari succis cōtrariarum qua-  
 litatum, quibuscū miscentur, & vt ita loquar,  
 concorporantur, ac transsubstantiantur. Addo  
 quòd illorum impetus frangitur, & si quæ insit  
 virulentia, coërcetur via, modo, ac tempore  
 transmutationis quam subeunt: vt causas alias

Catalog<sup>us</sup>  
 medica-  
 mētorum  
 hortensū,  
 cum fa-  
 cultatibus  
 eorūdem.

Respon-  
 sio  
 ad quædā  
 obiecta.



omittam. Recentiores qui rerum secreta vigili studio rimantur & perquirunt, de observatione sepius repetita promittunt arbores, vites, radices & plantas, etiam medicamentosas euadere à simplicibus pharmacis purgantibus, quæ hodie nobis in familiari sunt usu, & summa carent violentia. Cuiusmodi sunt Polypodium, Epithymus, Cartamus, Sena, Hermodactyli, Agaricus, Rhabarbarum, Tamar Indi, Myrobalani, & alia, ut paulò post dicemus. His positis fundamētis, structuram medicationum aggredior, & sic dispositæ nostram instituo.

Quomodo selectarū arbuscularum fructus ita medicamentosi euadant, ut corpus clementer & absque molestia purgare possint.

## CAP. II.

Quæ arbores eligendæ huic artificio.

**C**VM volueris tibi comparare fructus purgante facultate, aut alia dote, ut scribemus, præditos, eliges de multis arbusculam cuius tibi visum fuerit generis, sed ferentem fructus generosos ac suaues, humilem & parum supra terram extatē, iuuenem, quæ bimatum, aut trimatum non excesserit: in aëre libero & perflato educatam, læto solo natam, & ab hominum, pecorūque iniuria prorsus exclusam. Hanc per veris initia, dū omnis parturit arbos, vel paulò antè, ut feret anni tempestas & na-



tura, nonnihil supra radicem, ima parte findes, sed cortice clementer tractato, & nulla iniuria affecto. Deinde impactis fissurae cuneolis osseis, vel ligneis, per longitudinem ad sesquipalmm, plus minus, pro arboris corpore & modulo, illa aperies: statimque quod ad apertum erit, emedullabis, si medullam quidem habuerit caudex. Quod si fissuram non possit admittere, nonnihil ultra matricem, ex alto terebrabis, & apto instrumento, medullae portiunculam, vel eius loco, matricis, aut cordis, ut vocant, quidpiam auferes, vel derades. Ioanni Mesuae hic satis est arborem locis duobus vel tribus, vnius palmae intervallo, tenuiter perforari, absque ulla medullae spoliatione, ut mox dicemus. Quod si nec terebrationem etiam sustinere possit, ineunda erit via alia, sicuti postea docebimus. Vbi fissuram, aut foramen diligenter expurgaueris, pharmaco ex superioribus aliquo, iuxta scopum tuum electo, nonnihil tuso, & si opus fuerit, macerato, utrunque ita inescabis, farcies, ac saturabis, ut prouerby memineris, Ne quid nimis. Nam ibi quidquam nec pressum, nec plus aequo addensatum esse oportet, ut nutritioni arboris, & transpirationi suae detur locus, possitque per medullarem syphunculum, aut matricis ductum, vis medicamenti una cum alimento sursum li-

Primus modus medicandarum arborum.

Hae summè notanda, ceu vniuersalia.



Emplastra  
vulneratis  
arboribus  
idonea.

Pulchra  
Philoso-  
phia hor-  
tensis & ru-  
stica.

berè ferri, & formando, fouendóque fœtui sen-  
sim subministrari. Posteaquam id ritè peregeris,  
tum demum latera plagæ, & fissuræ, ablatis  
cuneis, ita committes, & vtrinque adduces, vt  
nihil interhiet, aut difflatum, vel rimulam ad-  
mittat: circumposito etiamnum vulneribus Ca-  
toniano emplastro: quod argilla constat, vel cre-  
ta, & arena cui bubulum fimum recens admi-  
stum sit, & ad lentorem vsque subactum. Sūt  
quibus abundè satis sit, cum Columella, paleato  
luto bene subactō, plagas obducere, & superiori  
parti vulneris, muscū, cespitē, ceram, aut picem,  
tenero cortice vestitam apponere, ne pluuia illa-  
batur, vel à frigoribus, pruinis, niuibus, gran-  
dine, aut aliter, arbuscula desuper offendatur.  
Postremò, omnia vimine, aut vinculo alio dili-  
genter obstringūtur, ne diffluent, aut bestiarum  
occurso, dissiliant. Eadem planè seruabitur di-  
ligentia in muniendo & resarciendo foramine:  
nisi quòd ad eius ostiolum, paris magnitudinis  
& formæ teres lignum sic intrudetur, vt exactè  
foramen claudat & impleat. His ad vnguem  
& opportunè actis, arbuscula suæ relinquetur  
naturæ, vt fructus, fauente cœlo, probè coquat,  
& suo tempore decerpandos foueat. Quos expe-  
rieris eadem facultate præditos, quâ intrusa me-  
dicamenta. Ex quo verè dici poterit, Patrem



sequitur sua proles. *Ioannes Mesuæ Arabice* medicinae Doctor præstantiss. docens quomodo fiant pruna quæ aluum subducant, & corpus vacuent, ad hunc scribit modum. Truncum arboris pruni, duobus locis, vel tribus, vnius palmæ interuallo, tenuiter perforant, immissoque scammonio lutant: pruna ob id purgantiora euadunt. Dantur succo, vel decocto, cum saccharo, ad vnciam vnam. quo loco malè scribi puto, librā vnam. Ceterum, sedulo prospiciendum erit, ne ab erucis, aut aliis germinum prædonibus infestetur medicata arbuscula. Quod rarum esse hætenus obseruatum fuit, ob vim medicamentorum, quæ etiam in folia diffunditur. Vnde illa ad multa prodesse nouimus, raroque vidimus ita medicatarum arborum fœtus verminare.

Obseruanda & cauenda in hac Dendriatria.

Modi alij medicandarū arborum, vt fructus ferant qui corpus clementer purgent.

## CAP. III.

**Q**VANDO arbuscula, quo diximus modo selecta, germinum lactescentes oculos aperire, & carbunculos, florum suorum rudimenta, pandere satagit, statim ac sedulo, vitium more vndique est ablaqueanda, aut, si familiaris & crassius me loqui iubet, discalceanda, vsque ad radicem fibras & venulas. Quæ vbi

Secundus modus medicandarum arborum.



apparebunt, & ritè expurgatæ erunt, illis sursum ac deorsum fasciculos, vel, vt medicè, imò verò Catonianè & rusticè loquar, manipulos aliquot, ex suprà memoratis pharmacis, iuxta præscriptam methodum apparatis, sternes, consepeles, & infodies, superaggesta terra, optimo fimo debitè temperata. Si siticulosa erit anni tempestas, matutinæ & vespertinæ rigationis imbre quandoque recreabitur arbuscula, & ita suæ naturæ in tempus, colligendis eius fructibus opportunum, relinquetur. Hæc prisca est medicandi formula.

Tertius  
mod⁹ me-  
dicandarū  
arborum. Qui subtiliore sunt Minerva, & rerum arcana penitiùs scrutatur, hanc viam, foelici successu, iniisse, mihi nuntiarunt. Sub finem Martij, insignem ramum quempiam radicis generosa arboris medium secant: Et quâ truncum vel caudicem spectat, in vas terreum humidis rebus, iisque medicamentosis & purgantibus, plenum, ita inserunt, & hinc inde lutant ac obstruunt, vt nihil effluere possit. Tum demum regeſta terra, cœlo & aëri arborem in sequentem annum committunt: quo reuoluto, opus, si quidem necesse erit, iterant. Non dissimili artificio, quo Architectos, & solertes aliquot lignarios artifices, vti nouimus: dum sibi arbores comparare satagunt, quorum ligna variè fi-



gurata & picturata conspiciantur. Si quis loco Pulchra &  
notanda.  
medicamentorum, vel medicamentosarum plan-  
tarum, odores, vel odoratas aquas, aut quid  
aliud in vas consepeliendum immiserit, non so-  
lum fructus arboris illius, sed folia & cortices,  
id ipsum miraculo quodam præ se ferre observabit.

Rei huius fidem de experientia constāter no-  
bis faciebat, anno superiore 1563. amicus noster Petri Bel-  
lonij cæ-  
des deplo-  
randa.  
Petrus Bellonius, paulò antè quàm impius ensis  
scelerati cuiusdam grassatoris, sub vesp̄a, non  
procul à suburbiis Lutetianis, illum nobis sustu-  
lisset: dum Regios hortos, quibus erat præfectus,  
ex mandato Reginae matris, inuisere satagit.

Rem eandem paulò facilius assequeris, si an- Quartus  
mod⁹ me-  
dicandarū  
arborum.  
tequam saluet medicanda arbuscula, circūfos-  
sis eius radicibus, sed nullo ictu iniurioso offen-  
sis, aquā macerationis & infusionis electorum  
scopo tuo pharmacorum vel plātārum purgan-  
tium, velut ex vberē sensim instillaueris, et dies  
aliquot id ipsum opportunè repetiueris, vel sal-  
tem vna quaque hebdomade sollicitaueris, donec  
defloruerit, & foetus sui plenum rudimentum  
tibi exhibuerit. Si Aquilo spirabit, & gelu re-  
gnabit, defendes quod dicunt, à frigore myrtos:  
Quod fiet iniectis ad radices arbusculæ tuæ pa-  
leis multis fimo pingui superonustis: sed ita, ne  
fimum arborem propius contingat, & putrente



suo calore illam funditus perdat. Id laboris & periculi euades, si frigoribus exactis, rem totam aggrediaris. Vbi retorrída erit aestas, sub crepusculum vtrunque, simili potione, sed paulò dilutiore, arbusculam subinde refocillabis. Modus hic est admodum expeditus, & paratu facilis. Nam cuius promptum est, plantas, ut vocant, laxatiuas, vbique inuenire, & ex catalogo primi capitis, pro arbitrio seligere, ac nonnihil contusas, diem vñ aqua multa macerare, & tum

Via medicandi præstatißima.

demum illa, quo dictum est modo, uti. Hanc viam omnium præstatißimam esse scribit Arnaldus à Villanova, in operibus medicandarum arborum, plantarum ac vitium, ut proprio dicemus loco. Nam malitia rerum valde alteratur per recessum facultatis earum in aliam substantiam. Ex quo, inquit, sine vlla noxa & periculo facilis sequi solet purgatio ex illis.

Quintus modus medicandarum arborum.

Si quis arbusculas huic negotio accommodas non habebit in suo horto, fundo, vel prædio, arbore quantumvis magna, ad hunc modum uti poterit. Eligat ex ea ramum quempiam generosum & bellè educatum, quem Gallica terebra, aut aliter, ad medullam, vel matricem usque, & nonnihil ultra, perforet, factò satis amplo foramine, pro rami modulo. Deinde foramen illud medicamentis, ut dictum est, infer-



ciat, obturet, vestiatur, liget, ac ita naturæ regendum permittat, donec maturos reddiderit fructus, & summè medicamentosos, reliquis ex ea arbore nihil tale agnoscentibus. Modus hic tam est certus ac probatus, ut viderim quandoque pomiferam arborem, à perito artifice colono, quem vno aut altero colloquio institueram, ita medicatam & comparatam, ut quatuor ramis ex eodem trunco natis, poma diuersarum qualitatum & medicinarum proferret, ac aliis quatuor diuersorum saporum & odorum. Quod nec insitione factum erat, nec alio adulterandi artificio, quàm eo quod hîc describimus. Erat & id summè in ea arbore admirandum, quòd neque folia, neque fructus ramorum ita medicatorum ab erucis aliquo modo infestabantur, aliis eiusdem vndique populatis & crosis. Venio ad reliquos Dendriatriæ nostræ modos, ut ex pluribus habeas, vnde seligas.

Artificiū  
valde pul-  
chrum.

Sunt qui medicandas arbusculas opportuno tempore transplantent, sed ita, ut scrobi illis factæ & destinatæ, selectas herbas medicamentosas, stercoris loco, larga manu prius substernāt, & radicibus defossæ circumponant, ac demum adobruant, remisto pingui letamine terræ. Si feruida sequatur æstas, & insolens grassetur vredo, qualis per *κρυοκαύματα* sæuire solet,

Sextus mo-  
dus medi-  
candarum  
arborum.



aqua macerationis plantarum substratis similium, arbusculam idoneis horis reficiunt.

Modi adhuc alij, admodum faciles, expediti, & probati. CAP. IIII.

Septimus  
mod<sup>9</sup> me-  
dicandarū  
arborum.

QVIDAM ex Dioscoridis consilio, in vino Phthorio, plantas multas, quibus inest purgandi facultas, ad imum truncum medicandæ arbusculæ disseminant, vel vndecunque implantant, & adeò profundè illarum radices infodiunt, ut radicibus arbusculæ, si fieri potest, adhæreant. Quæ ne resiccentur, aut tabescant, crebra rigatione hinc inde occurrunt, sataguntque ut plantarum facultates purgatrices, ea perfusione, quasi vehiculo, alimentis arbusculæ radicatim permisceantur, & sursum, vi arboris attractrice & vegetatrice, ad fructuum formationem & alimoniam, sensim attollantur. Sed ita sunt coaptandæ & disponendæ huiusmodi plantæ, ut arboris truncum amplectantur & coronent. Nam ex illarum ἀπορροια & effluvio, aliquid in amplexatam, insensibili transpiratione, abibit, & conformabitur. Quòd sanè absurdum esse non debet: cùm videamus arboreos fructus plerosque, certarum plantarum sapes ac odores præ se ferre, quas vel substratas habet, vel haud ita procul distitas. Sic quædam mala, brassicam olent, quòd illā vicinam

Pulchra &  
notatu di-  
gna.



Videant, eiusque diurna & nocturna defluvia  
exhauriant, ac modo imperceptibili, duce aëre,  
imbibant. Sic præterea, vina quædam plus aliis  
diuretica esse experimur: licet in eodem tractu  
& fundo omnia nata & educata sciam<sup>9</sup>. Quod  
vicinis & sociis herbis ac radicibus, quibus fa-  
cultas inest ciendi vrinas, ascribendum duco.

Non defuerunt qui fissuras, aut terebrationes  
medicandæ arbusculæ, iuxta primam methodum  
artificiosè factas, compositis medicamentis pur-  
gantibus oppleuerint, & reliqua præscripto or-  
dine perfecerint. Quod quàm foeliciter, nōdum  
ex illis audire licuit.

Octauus  
modus me-  
dicandarū  
arborum.

Novi quosdam qui ramum ex selecta arbore  
ita raptum & vulsum vt aliquid de ea secum  
auferret, ac generosis fructibus scateret, figuli-  
no vase, aut ligneo cado, stercorata terra satu-  
ro, altissimè infodiebant, & plantulas purgan-  
tes hinc inde comites illi dabant, æstūque vi-  
gente, aqua macerationis plantarum similium,  
diluculo, & vespere, larga manu irrigabant.  
Id tandiu, positus intervallis, repetentes, donec  
fructus adultos, & ad vnguem maturos iudi-  
carent. Modum hunc verissimū esse, mihi cer-  
tam fecit fidem, experimentis variis confirma-  
tam, vt dicebat quidā ex eorum monachorum  
ordine quos Celestinos vocant. Nec aliis plantis

Nonus  
modus me-  
dicandarū  
arborum.



se vsum asserebat, quàm iis quæ in publicis cœnobij hortis occurrebant: nimirum Lathyride, Ricino, Tithymalis, Viola martia, malua, & similibus. Quarum auspiciis, quo dictum est modo, cerasia, pruna & persica præcocia, sibi cōparavit, quæ clementer & absque tædio, alium subducebant, ad tres, quatuor, quinque, plures vel pauciores deiectiones, pro assumptorum quantitate & numero. Addebat se hinc magnam gratiam & fauorem iniisse apud multos præpotentes ac diuites, quos participes fecerat fructuum suorum medicamentosorum. Quod hinc scriptum volui & adnotatum.

Decimus  
modus me-  
dicandarum  
arborum.

Postremum erit, quod vna & altera observatione mihi hætenus foeliciter, & ex animi sententia successisse deprehendi. Sunt quædam præcocia & fugacia pomorum genera, quæ figlinis, aut ligneis vasis capacibus, aluntur, crescunt, fouentur & maturescunt: dum poma dico, fructus eos cum Grammaticis intelligo, qui molli pelle vel tunica teguntur. Vbi illorum parentes arbusculas defloruisse, & foetum adhuc informem, sua forma velle informare obseruo, tunc liquoribus ex maceratione simplicium medicamentorum purgantium & scopo meo idoneorum, expressis, nascentes, & adhuc lactescentes arbuscularum partus, velut ex vbere,  
blando



blando instillatu & irrigatu foueo, idque, electis horis & tēporibus, dies aliquot facere perscuro, paucis contentus fructibus & arbusculis: sed iis generosis tamen, & ob id generosè ac sollicitè educatis. Si retorrida & sicca inualefcit tempestas, vt hinc sitire videantur, simili liquore, opportunis horis etiam refocillo, & si ob rapidum aestū siticulosa fuerit terra, ad inebriationem vsque fundo & propino. Hæc de medicandis arboribus & fructibus ad aluum subducendam, satis sint. Nunc demum nobis explicandæ veniunt aliarū medicationum formulæ, sanè quàm iucundæ & vtilēs.

Arborum medicationes aliæ, ad particulares effectus, pulchræ & animaduersione dignæ.

## CAP. V.

Si ab arboribus tui horti, alia exigis medicata auxilia, quàm præcedētia (quæ aluo duntaxat lubricandæ fuerunt accommodata, & talibus humoribus vacuandis destinata, quales medicamenta ipsa mouere apta sunt) potes, pro cōcepto scopo, quidquid visum fuerit, arboribus tuis, iuxta præscriptos modos, committere, & quodammodo implantare: vt si fructus habere voles contra pestem ac venena auxiliares, loco purgantium medicamentorum, commodè ac salubriter vsurpare poteris, theriacem optimam,

Fructus  
contra pe-  
stē & ve-  
nena.



Fructus  
somniaferi.

vel mithridatium, aut radices alexipharmacas,  
& alia pesti ac venenis aduersantia (de quibus  
multa in nostris contra pestem Secretis) iis que  
arbusculas tuas, qua dictum est methodo, im-  
buere, ac saturare. Si fructus ὑπνῶδεις καὶ ὑπνο-  
φῶδες, hoc est, somnum conciliantes habere sa-  
tagis, plantas, radices, semina soporifera, &  
alia, arbusculis tuis, non dissimili accommoda-  
bis modo. Quæ qualia sint, tacere malo, quàm  
publicare. Alia, penè innumera, ex hisce pro-  
gymnasmaris & præludiis nostris, facillè excogi-  
tare ac inuenire poterit Lector ingeniosus, &  
solers colonus. Nam intelligenti, ut loquuntur,  
pauca sufficiunt.

Fructibus arborum, odores & sapor  
quosuis, necnon etiam colores, posse  
comparari.

## CAP. VI.

Fructus di-  
uerforum  
saporum.

QVÆ hætenus de medicamentis arborum  
tradidimus, eadem etiam ad odores,  
sapores, colores, & alia quamplurima, methodo  
simili, arboribus earumque fructibus cõparan-  
da & variè concilianda, transferri aptarique  
possunt, applicatione rerum idonearum pro vo-  
to & arbitrio tuo selectarum, ad id quod que-  
ris & optas. Hinc scilicet, absque ullo insitionis  
artificio, comparantur fructus, etiam per sum-  
mam maturitatem acerbi, alij acidi, nonnulli



*austeri: quidam dulces, melliti, saccharati: plerique moschati, cinnamati, aut alterius saporis, vel odoris, tam grati, quàm ingrati: & ut paucis dicam, quales perito artifici formare visum fuerit. Quod verissimum esse, non tam de auditu, quàm ex gustu & odoratu, non semel obseruauit. Imò verò (quod fidem superare multis videbitur) mora lutea, pyra rubra, ac mala cærulea, tã intus, quàm in cute, & ex sua quæque arbore pendentia, non sine admiratione, aliquando conspeximus, contrectauimus, aperuimus, & gustauimus, sed nulla saporis gratia, quæ coloribus illis adulterata fuerat, & hinc tota in pabulum oculorũ migrauerat. Miretur hoc qui nescit, nec intelligit multa in vasto mûdi huius theatro, miraculi loco esse, quæ ingeniosa hominum diligentia, artificioso medicamentorũ adulterio, & solerti insitione, comite ubique industria & labore, in lucem protulit. Vnde rectè admodum scripsisse mihi videtur poëta,*

*» Ipsa nouas arteis, varia experientia rerum,*  
*» Et labor ostendit miseris, vsusque magister.*

*Causa cùm plerosque lateat, illis tantum miraculi & stuporis ingerit, ut præter naturam talia fieri credant. Res ea, cùm in his quæ hæctenus docuimus, & deinceps ostensuri sumus, tũ maxime in variis arborum insitionibus locum ha-*

Hortensis  
 Philoso-  
 phia.



Mira artificiorū ingenia.

bet. *Quarum ope & ingenioso artificio, camentorūque & colorum mangonio solerti, fieri plerūque videmus, ut vna arbor prodigioso spectaculo, diuersi generis, varij gustus, insueti odoris, necnon coloris & facultatis, poma, nuces, vuas, flores, & alia ab vno eodēque trunco emergentia, proferat. Quod exēplis duobus, penē prodigiosis, demonstrare ac illustrare pergā, licet id extra institutum esse videatur. Arbores duæ summē admirabiles & prodigiosæ.*

## CAP. VII.

**I**NCOMPARABILIS ille rerum naturæ interpretres Plinius, de insigni quadā arbore, hūc in modum scribit. *Vidimus insitam arborem iuxta Tiburtes Tullias, omni genere pomorū onustam: alio ramo nucibus, alio baccis, aliunde vite, ficis, pyris, punicis, malorūq; generibus: sed huic brevis vita fuit. Hactenus ille. Multo mihi prodigiosior videtur arborea, quam Ioannes Baptista Porta, Neapolitanus, describit in Opusculo suæ Magiæ naturalis. Vnam, inquit, nouimus arborem, delitias horti nuncupatam, crassitudinis & proceritatis non ingrata.*

Pliniana xta Tiburtes Tullias, omni genere pomorū onustam: alio ramo nucibus, alio baccis, aliunde vite, ficis, pyris, punicis, malorūq; generibus: sed huic brevis vita fuit. Hactenus ille. Multo mihi prodigiosior videtur arborea, quam Ioannes Baptista Porta, Neapolitanus, describit in Opusculo suæ Magiæ naturalis. Vnam, inquit, nouimus arborem, delitias horti nuncupatam, crassitudinis & proceritatis non ingrata.

Arbor prodigiosa & inaudita.

*Hæc trifurcata erat, & in vno ramo vuas duas vinaceis vacuas, discolores & medicatas gerebat: quarum altera soporem, altera alui deiectionem moliebatur. Secundus ramus persicum*



proferebat, ex persico & nucipersico, interuallis pluribus, æque distinctum, & absque vlllo osse. Quod si cui inerat, nucleum dulcem vti amygdala dabat: & nunc hominum, nunc animalium faciem mentiebatur, diuersaque lineamenta demonstrabat. Tertius, cerasia exossa, acida ac dulcia emittebat: adhæc mala aurea. Cortex floribus, rosisque confitus erat. Porro fructus ipsi debitam magnitudinem superabant, ac aliis dulciores & odoratiores erant. Verno tempore efflorescebat arbor, & vltra legitimum tempus suos foetus educabat: nam diu in arbore morabatur, & continuæ fœcunditatis orbem toto anno ministrabant. Per quosdam enim gradus poma sibi succedebant, & fœtura interpolabatur. Brachia ponderibus inclinata procumbebant. Denique sic cœlum & solum arbori fauebāt, vt pulchriorem in tota vita non conspexerim. Hactenus ille: ex quo tam raræ arboris historiam huc proferre voluimus, vt intelligeres,

„ Quantum ars ipsa valet, quantumque industria pollet,

„ Et quantum insitio fœcundos adiuvat hortos:

„ Necnon ingenium medicandi hortensia solers.

„ Queis fauet impatiens otij labor, optimus artis

„ Cuiuscunque dator.

Sed dimissa insitione, de qua nuper Opusculum

Arbor verè aurea, si talis vspiciatur.

Arborum insitio &



medicatio  
multa pos-  
sunt.

edidimus, institutum repeto, & ex diuerticulo in viam redeo: à qua, occasione data, ideo non-nihil deflectere voluimus, vt ostenderemus artem medicandarum arborum cum insitione copulatam, planè admiranda moliri, si in peritum & industrium cadant artificem.

De collectione, repositione, custodia & vsu fructuū medicamentoſorū: & aliis in hac arte obseruādis. CAP. VIII.

Admoni-  
tio valde  
notanda.

ANTE quàm propositam narratiunculā aggre-  
diar, admonebo artis huius studiosos, quòd medicationes hæctenus præscriptæ, mino-  
rem materiam, rigationem & sedulitatem exi-  
gent in arbusculis fructum paruulum ac molli-  
culum ferentibus, quàm iis quæ illum maiuscu-  
lum ac duriusculum producant. Primi generis  
sunt, cerasus, morus, prunus, persica, antepersica, præcocia, olea, & vitis. Secundi, malus, pyrus, cotonea, amygdalus, iuglans & similes arbores: quarum, vt etiam superiorum, fructus non exactè suas vires medicamentoſas exerent, ante maturitatem. Per quam die sereno, circa nouilunium, alto Sole, blāda manu, absque vl-  
la iniuria, lesione & vitio, decerpentur, ac loco idoneo, vt in nostris hortorum Secretis docui-  
mus, in vsum accuratè reponentur. Si custodiæ non erit locus, vel, quòd anni tempestas austra-

Tēpus ac  
mod⁹ col-  
lectionis  
& reposi-  
tionis fru-  
ctuum.



lis & pluuiosa, illam negauerit, adeò vt hinc à labe & corruptione periclitari videantur: vel quòd per imbres & nebulas collecti fuerint, & ob id excrementitio humore, putredinum parente, abundauerint, sublata omni mora, calente clibano (si per Solem minùs licet) aut craticulis ad focum suspensis, integri, si parui & tenelli erunt: vel bipartitò, aut quadripartitò diuisi, & ab interaneis repurgati, necnon depellati, si magni & duriusculi aderunt, paulatim resiccabuntur, ac blandè torrebuntur. His ita comparatis, illico mūdīs vasculis, vel calathis, papyro interne vestitis, reponentur, & accuratè seruabuntur. Si recepto more condire voles, præclarè ac salubriter ages. Vfus omnium erit, vel ex propria cuiusque carne & pulpa, vel ex eiusdē iussulo & decocto, sicuti de prunis fieri solet per Ichthyophagiam, & esuriales ferias. Tempus vtendi esto matutinum, vel paulò ante pastum, & nonnunquam sub somnum. Quantitas limitabitur pro cuiusque corporis modulo, ætate, sexu, temperamento, mouendi facilitate, vel difficultate, & medicamentorum, quibus imbuti erunt fructus, natura forti, cita, aut debili. In quam rem, & superiora omnia, tibi prudenter & opportunè consulēdi crūt docti atque cordati medici. Quod vt facias, te etiam atque etiam

Quomodo  
ficari  
debeant.

Vfus, tēp<sup>o</sup>,  
& quanti-  
tas.



Pulchra &  
valde no-  
tanda.

amicè moneo, & valde cohortor. Penè omittē-  
bam quòd fructuum medicatorum tam ossa,  
quàm semina, diligenter colligi debent, ac dili-  
gentiùs custodiri, ob vim medicamentosam quæ  
summa illis inest, non dicam aduersus lumbrico-  
cos & interanea ventris animalia, liberandâs-  
que obstructiones, sed & alia quamplurima,  
quæ hîc reticere malo, quàm paucis explicare.  
Habent de multis id solenne, quòd si implan-  
tentur, aut serantur, quæ hinc emergent arbo-  
res, medicamentosum nescio quid præ se ferent.  
Quæ res in surculus aut ramulis, ex simili arbore  
detractis, & alibi inserendis, vel pangendis, lo-  
cum vix habet: nec etiam in medicata arbuscu-  
la, si trāsp̄plantetur ac transferatur. Nam ma-  
terni lactis & soli genitalis negata facultate,  
sublatóque nutricis assueto vberē, succos oblita  
p̄iores, meritò à proprio temperamento, eoque  
medicato, in aliud degenerat. Quare si voles vt  
ad ingenium redeat, & vires medicamentosas,  
penè exhaustas, resumat, medicatâ alimoniâ,  
quibus dictum est modis, refocillâda, ac instau-  
randa tibi erit. Nec id solum in trāsp̄plantatis  
& translatis locum habet, sed etiam in iis quæ  
nec cœlū nec solum mutant. Vnde par erit quo-  
tannis, aut saltem quoque biennio, recens me-  
dicamentum, siue simplex, siue compositum, aut

Præcepta  
pro tranf-  
plantatio-  
ne.

Dignum  
animad-  
uerfione.



antidotum, vel quiduis aliud, denuò illi accom-  
modare. Quemadmodum ex Græcis Florenti-  
ni Georgicis, transcripsit Neopolitanus Palla-  
dius, & plerique illo antiquiores.

Quomodo fructus tam æstiuui, quàm au-  
tumnales, iam decerpti & domi asser-  
uati, medicamentosi euadant, ac pur-  
gantes.

## CAP. IX.

**H**ic nequaquam silentio dissimulabo, quod  
à multis summè desideratū, & cupidè ex-  
petitum scio. Quid illud? inquires. Quomodo ci-  
tò, facilè, & quouis tempore, quilibet repositos  
fructus, siue verni fuerint illi, siue æstiuui, seu  
autumnales, ita possit componere, ut clementer  
& absque nausea illi aluum moueant, ac sub-  
ducant, corpúsque à superfluis excrementis libe-  
rè ac blandè vacuent. Si patientem aurem mihi  
præbueris, paucis docebo. Omnium primùm à  
fido quopiam Pharmacopola, tibi comparabis  
purgantia aliquot medicamenta simplicia, ex  
eorum classe quæ violèta non sunt. Qualia sunt  
Rhabarbarū, agaricus, sena, polypodium, epi-  
thymus, semen cartami, myrobalani, thamar  
Indi, & similia. Vbi vnum, aut duo ex his, sco-  
po tuo idoneis, probè selegeris, ex medici consilio  
legitimas ac sanas portiunculas, negligenter, si  
opus erit, fractas & cōtusas, horis aliquot, cum

Res mul-  
tis multo-  
rum votis  
expetita.

Quomo-  
do resicca-  
ti fructus  
medica-  
mentosi  
fiant.



Primus  
modus.

tantillo cinnamomi & seminū anisi, infundes  
ac macerabis, in sero lactis, oxymelite, ptissana,  
vino, aqua, aut blando quopiam liquore. Dein-  
de quidquid id erit, percolabis, clementer expri-  
mes, & calidis cineribus, apto vasculo, super-  
pones: ibique horis aliquot insuccabis, ut loqui-  
tur Columella, & infundes, cōpūcta locis mul-  
tis pruna, persica, pyra, ficus, cotonea, vel cera-  
sia: ex his quæ tibi ad manum erunt, nihil re-  
fert, modò Solem passa fuerint, vel clibano, ut  
diximus, resiccata, aut aliter asseruata. Vbi li-  
quore illo medicato, & iusculo, affatim imbuta  
erunt, & pro rugosis obesula apparebunt, val-  
deque turgebunt, tum demū medicamentosa ha-  
bebis alimēta, quæ absque vlla molestia, corpus,  
soluta aluo, blandè repurgabunt. Rem eandem  
foeliciter etiam experieris in vuis, quas Dama-  
scenas nuncupant: magno ventriculi ac hepatis  
commodo, sed detractis prius, & ex illorū pul-  
pa seclusis vinaceis. Si insuauem quēpiam gu-  
stum, ut amarorem, acerbicatem, vel quid simi-  
le, præ se tulerint medicata isthæc alimenta, sac-  
charo optimo, aut puluere glycyrrhizæ, vel  
cinnamomi, facile regi, ac dissimulari poterit:  
adhæc aniso cōdito, vel coriandro preparato, aut  
huiusmodi artificio quopiam aromatico &  
dulci, pro cuiusque gustu ac palato. Quidpiam

Correctio  
prauī gu-  
stus & sa-  
poris.



igitur ex iis prægustabitur, aut commanducabitur, vel sumpto medicamento cibo, statim assumetur, ut contraria contrariis emendetur.

Est modus quidam expeditus & salutaris, ita coquendorum in foculo cydoniorum, & aliorum quorumcunque fructuum maiorum, ut corpus à grauantibus excrementis absque vlllo tedio, torminibus ac fastidio clementer purgēt: imò verò purgando, viscera roborent. Hunc qui nosse volet, velle autem debent omnes, percurrat aream tertiam, cāpi septimi, nostri Horti medici: qui dum hæc præcipitabamus, incudē sustinebat: illic inueniet quod placuisse queat. Sed de his fusiùs agemus, paulò post in vino Cydonite, & Hydromelo.

Secundus  
modus.

Ioannes Langius, illustrissimorum Comitum Palatinorū medicus doctiss. in quadam epistola ad Cyrlerum, de medicatis fructibus ad hunc scribit modum. Accipe aquam aut vinum, in qua vel scammonia, vel tithymali cortices, aut turbitum vel id genus fortium medicamentorum, maceratum sit: in quo pruna sicca ex Damasco, carica, vna passa, donec turgescant, maduerint. Hæc absque vllis torminibus aluum leniter expurgant. Nam hæc sola virtute medicamentorum, exuta eorum substantia, imbuuntur. Hactenus ille ad verbum.

Tertius  
modus.



Quartus  
modus.

Cognoui qui antea commemoratos nobis fructus, tam siccos quàm recentes, nullo modo macerabant, sed cum purgantibus medicamentis simplicibus, à medico præscriptis, modicè fractis, & si opus erat, contusis, ac rara linteolo deligatis, prunorum modo, in vino aqua temperato, coquebant: & addito saccharo multo, delicatis palatis edendos proponebant: vel solum eorum insculum propinabant, & decoctorum carnem per setaceum excernebant, ac mundo vasculo repositam, in usum idoneum, & tempus opportunum accuratè custodiebant: de eodem boue, vt dici solet, lora trahentes, vnàque & eadem fidelia, duos parietes dealbantes.

Quintus  
modus.

Novi alios, qui fructus iam dictos, post longam infusionem & macerationem, quo nuper dictum est modo, blandè siccabant in clibano, & iterum, ac tertio macerabant, & demum resiccatos, pyxide includebant, & quoties opus erat, excludebant, ac in usum opportunè conuertebant, resperso multo saccharo. Si vigeat æstus, in aqua rosacea infundebant: si hyems erat, suffocatis in vino pauco aliquot eorū buccellis, & copiosa sacchari aspergine dealbatis, liberè utebantur, & quidquid erat vini superbibebāt. Vt quod sentio verè dicā, non sunt hæc temerè tentanda absque docti medici consilio,

Doct<sup>r</sup> me-  
dicus in



perinde atque alia pleraque hætenus scripta. hac philo-  
sophia  
vbiq; con-  
sulendus.  
Nam ille selecta medicamenta, ægrotantium af-  
fectibus, aut sanorum præcautionibus idonea  
seliget, & ad legitimum pondus, ac dosim, vt  
loquuntur, omnia deducet, iudicioque & arte  
singulat temperabit. Imò verò, suo pte Marte,  
iuxta hanc methodum, noua comminiscetur ar-  
tificia: quando non omnia possumus omnes.

- Quomodo lactuca, borrago, portulaca,  
& olera alia, adhæc cucumeres, cucur-  
bitæ, pepones, raphanus, cinara, fraga,  
grossulæ, framboesæ, & similes fructus  
ac plantæ, deiectionis facultates in-  
duent, & sapores ac odores varios ad-  
mittent.

## CAP. X.

SI ad medicationes olerum, radicū, & plan-  
tarum multarum, prudenter referas quæ de  
medicandis arboribus nuper scripsimus, nouo  
hîc sermone opus non erit. Verū enim uerò, quia  
plantæ, radicibus tam solidis non innituntur,  
quàm arbores, nec tam robusto donantur corpo-  
re, nascūtūque plurimū seminibus, vel implā-  
tationibus, ac breuioris sunt vitæ, idcirco de il-  
lis peculiarem hîc instituemus narrationem. Si  
itaque semina plātarum titulo capitis huius pro-  
positarum, aut aliarum, maduerint triduo, vel  
quatruiduo (antè quàm serantur) in aqua & in-

Hortensiu  
penè om-  
nium me-  
dicatio-  
nes.



Primus  
modus.

*sculo macerationis purgantium medicamento-  
rum simplicium, initio Opusculi descriptorum,  
& siccata, vicibus iteratis remaduerint, ac  
ita optimæ terræ, pingui fimo saturatæ, & dili-  
genter subactæ, commissa fuerint, quidquid in-  
de nascetur, medicamentorum seminum facultates  
ac ingenium referet.*

Secundus  
modus.

*Idem etiam continget, si medicamentosâ illâ  
macerationis aquâ, ceu cremore quopiam, pul-  
lulantes plantulas, & adhuc lactescentes, ali-  
quot diebus, velut ex nutricis vberibus, stillando,  
& non mergendo, aut inebriando, opportunis  
horis foueris ac rigaueris: hinc alui solutionem,  
& corporis purgationem illis concilians ac infor-  
mans. Si grauis æstus inferiora torrebit, eodem  
liquoris haustu illas sitientes, affatim, & iden-  
tidem, sed tempestinè, (vt in arboribus dictum  
est) refocillabis, ac recreabis.*

Tertius  
modus.

*Sunt qui per adolescentiam plantarum, radi-  
ces blandè circunfodiunt ad capillares vsque fi-  
bras, sed absque vlla iniuriosa tractatione &  
eradicatione. Tum demum, purgantia medica-  
menta simplicia, proposito scopo selecta, & non-  
nihil contusa, si opus erit, earum nudatis radici-  
bus sparsim iniiciunt, ac disseminant (vt in ar-  
boribus diximus) regestantq; terra adobruunt, con-  
sepeliunt, ac ita educari, crescere, & medicamen-*



tari permittunt. Quod à multis factum, & salubriter expertum, verè scio.

Nonnullis abundè satis est dū plantulas trans-  
ferunt, in scrobiculum illis defossū mittere ac Quartus  
modus.

substernere selecta medicamenta: deinde sterco-  
rata terra, & si opus erit, irrigata, omnia con-  
dere, ac ita cœlo & solo cōmittere. Modos alios  
requires ex medicationibus arbuscularum. Et  
quæ de liquoribus, & succis medicatis ad plan-  
tarum radices infundendis, tradita sunt, eadem  
etiam ad sapes, & odores (de coloribus dubi-  
to) prudēter, ac solerter coaptare poteris, exem-  
plo Aristoxeni Cirenei: qui, vt scribit Plinius, Historia  
pulcherri-  
ma.  
à patria desciscens philosophia, & helluonum  
voluptati ac collegio subscribens, natus in hortis  
lactucas, vesp̄i vino mulso rigabat, eoque po-  
tu, donec satis ebibissent, satiabat: vt postridie,  
cū illuxisset, placentas virides à terra missas, se  
habere venditaret: dignū helluone inuentū, ne-  
dum philosopho. Sed in medicamento so planta-  
rum māgonio & artificio, versatum satis. Ma-  
num itaque ex hac tabula mouebo, vbi admo-  
nuero, quòd plāta, quibus à natura inest purga-  
trix quædā lubricitas, vt violis martiis & mal-  
uis: aut lactea substantia & dulcedo, nonnihil  
etiam deiectoria, vt lactucis: vel nitrosus succus Pulchra &  
notatu di-  
gna.  
& ob id medicamentosus ac deiectorius, vt bras-



sica & betæ: aut lenta & excrementitia humiditas, ut portulacæ: hæc, inquam, & similes plântæ, cura admodum sollicita, ac medicamentis multis non indigent, ut medicatæ, ac purgantes euadant, cum id naturâ ferè comparatum habeant: & ob id modica alteratione opus habent, ut medicamentosæ fiant. De peponibus, cucumeribus, & huius notæ aliis, non dissimilis erit ratio, ob succum excrementitium, aquosum, & nonnihil lubricum, quo largè scatent.

Vites modis variis medicari, ut earum vuæ, & vina ex illis expressa, aluum clementer moueant, & corpus absque molestia purgent. CAP. XI.

Prisca medicandarū vitiū philosophia.

Primus modus.

Secundus modus.

SECUNDVM vindemiam, ubi vites ablaqueantur, quantum putabis ei rei satis esse vini, tot vites ablaqueato, & signato: earum radices circum sarrito & purgato. Postea, veratri radices in pila contundito, & circum vitem ponito: his stercus vetus, & veterem cinerem, ac duas partes terræ circum addito. Radicibus vitis terram insuper iniicito. Hoc vinum seorsum legito. Si voles seruare in vetustatem ad aluum mouendam, seruato: nec cōmisceas cum cætero vino. De eo cyathum sumito, & misceto aqua, ac bibito ante cœnā: sine periculo aluū mouebit.

Aliter, cum vites ablaqueantur, signato quam-



quampiam, ne admisceas cætero cum vino. Treis fasciculos veratri atrii circumponito circum radices, & terram insuper iniicito. Per vindemiam de his vitibus, quod delegeris, seorsum seruato, cyathum in cæteram potionem indito, aluum mouebit, & postridie perpurgabit, sine periculo. Hæc ad verbum M. Cato in suis de re rustica Commentariis.

Africanorum & Græcorum geoponici ac medici, Catone multò antiquiores, hac incedunt via. Sarmentum quod pangendū est, ima parte finditur, trium vel quatuor digitorum mensura, sublatâque medulla, simplex medicamentum purgans & deiectorium, ex his quæ primo capite recensuimus, contusum, medullæ loco inseritur & truditur. Vel eiusdē pulpa (quod præstantius est) immittitur. Postea, vulnus aut fissura, ne quid effluat, idoneo emplastro tegitur, deligatur, & ita sarmentum terræ mandatur. Hæc Florentinus, ex Græcorum geoponicis & medicis vnus, & post eum Palladius.

Tertius  
modus.

Recentiores satagunt, vt vitis ablaqueatæ radices emundentur, deinde purgantis alicuius medicamenti succum, vel ex eius maceratione liquorem, suffusione & rigatione, per dies aliquot repetita, affatim combibāt & exhauriāt, maximè, dum noua de grauido palmite gemma

Quartus  
modus.

D



tumet. Post hæc, terram radicibus regerunt, & ante omnia diligēter cauent, ne tum gelidus & niuosus spiret Aquilo, radices percellens, ac vires medicamentorum obtundens. Qui ex vite hunc in modum medicata nascentur racemi, deiectionij erunt ac purgātes, perinde atque vinum ex illis expressum, sicuti scripsit & adnotauit idem Florentinus, libro primo & secundo suorum Georgicōn. Modus hic, sanè quā facilis est, ac valde expeditus, vt testatur Arnaldus à Villanoua, ob causas in Arboribus expositas. Hinc nimirum visa, repertaque est vna, vt ille idem scribit, cuius acinus quilibet aluum clementer mouebat, habebaturque res ea pro summo miraculo. Qui vuis & vinis albis oblectantur, vitem ac vina huiuscemodi medicata sibi comparabunt: qui rubris, contrā: quando, velle suum cuique est, nec gustu viuatur vno.

Quintus  
modus.

Est alius modus comparandorum huiuscemodi racemorum medicamentosorum, cum suis vinis, quem nectacebo, nec tibi dissimulabo. Sarmenta ex generosis vitibus, opportuno tempore seliguntur, & in vas aliquod semiplenum purgantibus potionibus, vel medicamentosis liquoribus, maceratione longa paratis, deponuntur: deinde illis terra optima remiscetur, ac tantisper resoluitur, irrigatur & curatur, donec sar-



mentorum & flagellorum oculi nitantur exire.

Id ubi fit, more vitium ceterarum, idoneo loco circumspectè panguntur, summâque habetur cura, ne iniuriosa tractatione, vel tātillum offendantur, & hinc ex suo membro excutiantur.

Notandum  
& cauendum.

Qui inde nascentur racemi, pro facultate succi ac liquoris, quo imbutus fuerit palmes, medicati euadent, perinde atque vinum quod ex illis exprimetur.

Alia vitium, vuarum & vinorum medicationes pulchræ & ingeniosæ, ad somnum, contra venena, & alia.

## CAPVT XII.

**E**TSI quæ hîc scripturi sumus, facile & explicatè colligi possint ex præcedentibus, dicam nihilominus de illis aliter, paucis ac breuiter, quantum feret materia. Si loco purgantium medicamentorum, aut diluti eorum, quidpiam ex iis antidotis, quæ somnum conciliant, in liquorem solutum, ad vitis radices ablaqueatas, tēpestina rigatione effuderis, vel hypnoticas & somniferas plantas iisdem radicibus consepelueris: aut circumplātaueris, vt vult Dioscorides, in vino phthorio, tam vna quàm calcata & pressa ex iis vina, somnum facile conciliabunt. Idem fiet, si truncum vitis selectum, vt de arboribus diximus, Gallica terebra, aut alia, per-

Vitis somnifica  
qualiter  
fiat.

D ij



Vitis an-  
tidotaria,  
& venenis  
pugnans.

Mira vitis  
theriacalis  
efficacia.

foraueris, & eadem antidota foramini intruse-  
ris, ac vulnus, quo ostensum est modo, tractaue-  
ris, obduxeris, ligaueris, ac Deo & naturæ per-  
miseris. Si theriacem, mithridatium, aut alexi-  
pharmacum aliud, eò intruseris (sublata si opus  
erit medulla) vel diluto eorundem, aut liquore  
macerationis plantarum venenis pugnantium,  
radices imbueris, & frequenti rigatione, eaque  
tempestiua, perfuderis, vitem habebis antidota-  
riam, alexipharmacam, pestifugam, & vene-  
norum, ac venenatorum omnium hostem capi-  
talem: adeò ut nullum animal veneno imbutum,  
sub ea stabulari audeat, ac stationem aliquam ca-  
pere. Quin etiam aiunt acetum ex vino vitis hu-  
ius antidotariæ & theriacalis factum, necnon  
vvas passas, miram habere facultatem contra  
toxica, pestilentem morbum, venenatorum mor-  
sus, ac alia pleraque. Quibus deficientibus, pro-  
derunt etiam, vitis eiusdem folia trita, & ve-  
nenatorum ictibus apposita. Quod si rursus ho-  
rum omnium penuria fuerit, cinis sarmentorum  
hominem à periculo vindicabit. Nam & citra  
theriacem vitis cuiuscunque sarmentum, aduer-  
sus morsum canis mirè auxiliatur, modò nō fue-  
rit rabidus. Autores sunt (ne quis putet meum  
esse commentum) Pœnorum & Græcorum geo-  
ponici ac medici, & inter hos Florentinus, qui



*hæc posteritatem latere noluit. Cæterum hîc nec omiffum velim, nec intactum, quòd si de huiusmodi vitibus medicatis sarmentum transferendum, aut inferendum accipiatur, vires sui medicamenti, vt de arboribus diximus, vix respiciet, nec materni medicaminis gustum retinebit. Quare oportebit noua infusione, eaque assidua, vim senescentis succi iterare, vt scribit Neapolitanus Palladius, rerum agri doctor non aspernandus.*

Præceptū  
notandū.

*Hæc de medicandis arboribus, fructibus, oleis, radicibus, plantis multis, necnon vitibus, vuis ac vinis, satis erunt. Quæ si placuisse, & grata fuisse intellexero, multò pulchriora necnon occultiora, quæ apud nos latent, ex vmbra in lucem communi inuandi studio proferemus.*

F I N I S.

D iij



## ANT. MIZALDI

## MONLVCIANI ARTIFI-

## CIA PERPVLCRA COMPONEN-

dorum Vinorum, quæ diuersis mor-  
bis blādè ac iucundè succurrant: cum  
prisco ac recenti quorundam catalo-  
go, & auxiliis.



ERTVM est priscos medicos sum-  
mo studio ac diligentia perquisi-  
uisse, quonam modo diuersis af-  
fectibus corporis & animi, cum  
curandis, tum excitandis, vina  
artificiosè concinnarent, & medica factitarèt.  
Qualia sunt Theophrasti apud Heracleā Ar-  
cadie, quæ viros dementabant. Athenæi apud  
Thasios, quæ somnum accersebant, & fuga-  
bant. Plinij Arcadica, quæ fœcunditatem fœ-  
minis importabant, & viris rabiem. Adhæc  
Trœzenia, quæ qui biberant, negabantur ge-  
nerare: & Lycia quæ qui gustauerant, his so-  
luta aluus firmabatur. Hinc, scilicet, variæ  
illæ, apud M. Catonem, vinorum concinnatio-  
nes, ad varios affectus: necnon apud Dioscori-  
dem: & ante iam dictos omneis, apud Pœno-  
rum & Græcorum geponicos ac medicos, sic-

Varia an-  
tiquorum  
vina ad  
varios af-  
fectus.



uti suo loco deinceps ostendemus. Horum artificia omnibus penè morbis, citò, tutò ac iucundè, necnò (ut aliquid de meo addam) quàm minimò, auxiliantia, cùm legissent posteriores medici, hinc (fortasse) consultò moti fuerunt, ut medicamenta quædam purgantia, vino macerarent, & horis aliquot infunderent, ad conciliandam ei medicamentoſam facultatem.

Quod, Dii boni, quanto applausu, & corporis totius consensu, sic hauritur! Quas, obsecro, vi-  
reis sic in corpore clementer ac blandè non exerit? Quam suauitatem medicamenti & rebus quibuscum miscetur, non adfert? Quas facultates ventriculi, iecinoris, cordis & intestinorum non roborat, substantiæ, ac naturæ suæ familiaritate, nobis amica, assueta, &, penè dixerim, congenita? Hinc nimirum Galenus noster, Falernum Mithridatio, & Theriacæ miscendum præcepit, ut multorum amarorum, quibus constant antidota illa, iniucunditatē tegat, & ventriculo qui amara auersatur, suauitatem conciliet, contentricemque eius vim, robo-  
ret. Et è itaque ac prudenter solertes medici factitia vina excogitarunt, quæ facultates impressorum illis medicamentorum, celeriter ac iucundè toti corpori, essentiæ tenuitate, ac familiaritate distribuerent, & à variis affectibus illud oppor-

Vini facultates miræ in corpus.



tunè liberarent, absque noxa, tædio ac nausea.  
 Horum compositiones multiplices, & artificia  
 diuersa, tibi candidè, vt omnia, proponere ac  
 paucis exponere, nec detrectabo, nec grauabor:  
 vt habeas quod è multis pro arbitrio seligere &  
 sequi possis.

Vinorum medicamentoſorum artificio-  
 ſæ aliquot concinnationes, tam per  
 vindemiam, quàm alio quouis tem-  
 pore aggrediendæ. CAP. I.

Prim<sup>o</sup> mo-  
 dus cõpo-  
 nendorum  
 vinorum  
 medicato-  
 rum.

VINDEMIÆ tempore, mustũ ex albis ra-  
 cemis, iisque optimis, ac minimè vitiatis  
 expressum (si albo vino delectaris) vel ex aliis  
 comparatum, seliges ac sepones: & antè quàm  
 efferueat, in doliolum, cadum, lagœnam, vel  
 aliud vasculum, ex munda & proba materia  
 constructum, opportunè infundes. Sed ita, vt  
 prius selectæ materiæ tuæ medicæ, lotæ ac  
 purgatæ, in dictum vasculum descenderint: siue  
 herbæ fuerint illæ, seu radices, flores, semina,  
 species, aromata, fructus, grana, aut res aliæ  
 quæuis medicamentoſæ, quarum facultates mu-  
 stum imbibere, ac præ se ferre satagis. Quod equi-  
 dem duodecuplam proportionem habere debet  
 ad dictas materias plus, minus, pro intensiore  
 & remissione illarum sapore, odore & qualita-  
 te. Id vbi factũ erit, scutellâ vno latere apertâ,



vel illo aliquantulum sublata, vinarij tui vasis  
 osculum, & supremum spiraculum, operies: vt  
 facies sensim ab imo ad summum tendentes, li-  
 berum habeant emissarium, & quod medicato  
 halitu ac feruore sursum volitat, despumatum  
 ad inferiora retrudatur. Vbi feruor resederit, &  
 despumatio cessauerit, vas omnino replebitur,  
 (quod pro aliis deinceps dictum velim) & ne  
 quid effluat, diligenter stipabitur, ac loco idoneo  
 in vsum seponetur: qui post duos menses oppor-  
 tunus erit. Vides quāto artificio hīc elaboratur,  
 & quasi à natura conficitur, & vt ita loquar,  
 incorporatur, quod iniectum & comprehensum  
 est. Nam per naturalem musti calorem, vali-  
 dāque ebullitionem, interna rerum infusarū,  
 necnon confusarum fit agitatio, velitatio &  
 impressio. Quā vinum, multò superius, viribus  
 propriis eas spoliare, sibi que proprias facere, im-  
 bibere, & vt theologicè loquar, transsubstan-  
 tiare, viis, modisque omnibus molitur, ac tan-  
 dem assequitur. Ex quo medicamentosum eua-  
 dit, & hinc vi admodum penetrabili, artifice  
 industria, insitas, conceptasque rerum immissa-  
 rum, sibi que creditarum facultates, ad omnia  
 corporis membra, in nictu oculi, iucundè per-  
 fert ac distribuit, absque vlllo naturæ grauami-  
 ne, tædio, nausea, aut fastidio: sicuti probatū,

Pulcherri-  
 ma narra-  
 tio, pro se-  
 quentibus  
 valde no-  
 tanda.

Arguta  
 philoso-  
 phia & nō  
 vulgaris.



Refutatio  
superioris  
artificij.

expertum, ac summè observatum habemus, sci-  
mus, ac vidimus. Hoc primum est concinnan-  
dorum vinorum artificium paratu admodū fa-  
cile, sed mihi utcunque suspectum. Nam peri-  
culum est, ne musto immersæ, aut natantes ma-  
teriæ, ex mora, loci natura, difflatione præpe-  
dita, & aliis, vitium trahant, ac vinum ita la-  
befactent, ut atate ferre non possit, sed in vap-  
pam illico abeat, aut ante tempus ace scat. Qua-  
re præstaret, fervore vini sedato, & despumatione facta, illud elutriare, & in alterum vas  
transfundere: inclusasque materias excludere,  
& procul amandare. Nisi malles aliud mustū il-  
lis superfundere, & hinc comparatum vinum,  
quod priore multò erit imbecillius, pauperibus  
egrotantibus elargiendum custodire.

Secundus  
modus.

Est alter modus quamplurimis vsitatus ac  
familiaris, cuius talem habeto formulam. Me-  
dicæ materiæ, pro concepto cuique scopo electæ,  
in optimi musti iusta quantitate (comparato ad  
id vase idoneo) tantisper coquuntur, & tempe-  
rato igni, ex semiustis carbonibus accenso, tan-  
diu leniter bulliunt, spuma ad vnguem exclusa,  
donec pars tertia, plus, minus, absumpta fuerit:  
aut mustum ipsum, rerum immissarum saporem  
ac odorem exactè imbiberit. Id ubi factum est,  
noctem integram ad opertum vas, cum suo vi-



no & materiis quiescit, sequente luce, per vimineum colatorium omnia transmittuntur, ac vinum ita percolatum alteri musto (sed minoris quantitatis) vase ad id accommodo, diligenter remiscetur, & transvasatur: aptato ad summum eius spiraculum & emissarium operculo, qua nuper scriptum est formula: ubi perfecte defervuit, & defecatum est, rite impletum, operculatum & clausum, loco idoneo, in usum custoditur, ac seponitur. Sed rursus modus iste (quanquam non ignobilis) sua non vacat suspicionem, ob rerum immixtarum ebullitionem plus æquò (fortasse) maiorem vel minorem, intensiorem aut remissiorem, nulla graduum basi in his præscripta & observata. Nam sunt multa quæ longam coctionem sustinent, alia verò brevem: cuius si non habeatur perspecta ratio, vires decoctorum resolvuntur, & in fumos illico abeunt. Quare satius esset, ac multò consultius, medicas materias tandiu in musto macerare, donec illarum naturam ac facultates, tam gustatu, quàm odoratu, induisse ac ebibisse deprehendatur. Quod ubi constabit, lenta ebullitione, eaque levi, negotium, quo dictum est modo, facile exequetur & absolvetur.

Aliæ eorundem vinorum artificiosæ compositiones, magis tritæ ac vulgares,

Infirmatio  
superioris  
modi.

Cōsiliū  
notandū.



Primus  
modus.

**S**VNT alia medicandorum vinorum metho-  
di, quas paucis tibi expediam. Medicæ ma-  
teriæ recentes, aut, si id minùs licet, semisiccæ,  
& negligenter contusæ, lineo, aut cānabino sac-  
culo admodum raro imponuntur, & ad præscri-  
ptas formulas in optimo musto præmadent atque  
innatant, additis lapillis, si leuiore erunt, vt in  
vino hyssopite docet Dioscorides. Vbi satis ema-  
duerint & maceratæ fuerint (quod ex sapore &  
odore musti illis imbuti percipitur) tum demum  
blandè, & quantum licet, expeditè coquuntur,  
despumantur, & excluso sacculo, factaque il-  
lius forti expressione, vinum ita medicatum, al-  
teri (sed minoris quantitatis) miscetur, & non-  
nihil mouendo, agitur. Id vbi exactè in suo  
doliolo deferbuit, diligenter repletum & oper-  
culatum, diligentius custoditur.

Secundus  
modus.

Alij in generosum vinū (nihil refert nouum  
fuerit, necne, adhæc album an rubrum) sele-  
ctas, pro arbitrio, medicas materias, lotas ac re-  
purgatas immittūt: & horis aliquot, vt dictum  
est, ibidem macerant, coquunt, despumant, per-  
colant: & absque vlla expressione, vinum in  
vas mundum deponunt, replent, optimè clau-  
dunt, & vsui reseruant. Hæc via trita est ac  
vulgaris, quam etiam nouit media de plebe po-



pellus. Probarem sanè materias sacculo aut lin-  
teo vbiq̃ue includi, vt commodè, & absque vi-  
ni iactura, excludi ac retrahi possint. Quod  
Dioscorides vbiq̃ue facit.

Qui solertiores sunt, & ingenio perspicaci  
rerum secreta explorant, medicas easdem mate-  
rias, quo dictum est modo, apparatus, cum duo-  
decupla quãtitate racemorum alborum, aut ni-  
grorum, remiscet, confundunt, & vindemiæ  
more, calcant, ac vna tandiu coqui & effer-  
uescere permittūt, donec clarum & defæcatum  
vinum, ex his miscellaneis secerni possit. Id vbi  
animaduertunt, ceterorū vinorum modo trans-  
vasant, & vbi iterum deferbuit replēt, & cu-  
stodiunt. Sed de hoc in cõpositione vini Guaia-  
ci. Quod ad reliquias attinet, vinum illis desu-  
per iniiciunt, referuescere sinunt, exhauriunt,  
vt vina alia curant, & in vsum egrotātis fa-  
miliæ seponunt. Nam tantum distat inter hoc  
postremum, & præcedens, quantum distant  
(quod dicunt) æra lupinis. Hic modus mirum  
in modum mihi arridet, ob legitimā rerum fer-  
mentationem, permistionem, sequestrationem,  
insinuationem, & alia, quæ sciens omitto, &  
volens prætereo, ne longa narratio tediū pariat.

Tertius  
modus.

Non desunt qui vina ista inualecente æstu, Quartus  
(dum insana Canicula messes concoquit, & ar-  
modus.



denteis contristat Sirius agros) vitreis phialis,  
ad Solis viuificum ignem, conficiant: artificio  
non damnando, & conatu nequaquam inutili,  
ob causas nobis alibi expressas.

Quædam obseruanda, cum in præceden-  
tibus, tum sequentibus. CAP. III.

Primum  
in hac æ-  
niatria  
seruandū.

**H**ic supersunt quædam, ex Dioscoride, &  
Haliis, nunc demum aperienda, quæ in octo  
capita paucis digeram. Primum, vinorum fa-  
ctitiorum vasa debere impleri: quia nō plenius fa-  
cile in acorem transeunt vina, & promptissime

Secundum.

corrumpuntur: quod popolare est. Secundū, me-  
dicata vina, perinde atque medicamenta, recte  
valentibus insalubria esse, nisi ad morbi alicu-  
ius præcautionem sumantur, ex consilio docti

Tertium.

& prudentis medici. Tertium, febricitantibus  
summo delectu & iudicio exhibenda esse, imò  
verò, si Dioscoridi credimus, abdicanda: præ-  
sertim quæ cum frigoris rebus, nihil habent  
commune. Nam vinum ad febrem, est vt ignis

Quartum.

ad ignē. Quartum, factitia vina misturarum  
vires sibi asciscere. Quare nō difficile fuerit iis  
qui illarum naturas norunt, medicatorū vino-  
rum vires coniectura quadā assequi: vt in vino  
è Betonica tradit Dioscorides, quod nos paulò

Quintum.

post describemus. Quintum, vina ista dum in  
vsum traducuntur, & è suis doliolis identidem



hauriuntur, periclitari vapescere, acescere, aut aliter vitiari: nisi maturè illis prospiciatur.

Quod fiet si optimum oleum salis expers superfundatur. Nam veluti tectorio quodā, ab huiusmodi labe illa defendet. Sextū, medicamen-

Sextum.

tosius vinis, uti etiam aliis, summè commodare, vel incommodare vasa, in quibus reponuntur, ac ligna ex quibus compinguntur. Sic factū & expertum videmus, ut vinum in cadis, vel do-

liolis Tamaricinis conditum & servatum, lieni ac splenicis magnoperè cōferat: & in Fraxineis repositum, pesti ac venenis constanter repugnet, & ita de multis, ne sim narrando molestus. Se-

Septimū.

ptimum, vina medicata quæ cum musto fiunt, non esse vsui ante XL dies, vel menses duos ab eorum deferuefactione. Secus autem de aliis. Octauum, absque arduo labore & sumptu, vinum medicatum fieri sine igne & ebullitione, si quæ visum erit in fasciculum deligaueris, & vino immerseris, adiecto lapide pendulo, ut materiæ, hoc veluti pondusculo degrauatæ, in vinum descendant. Idem fiet, si linteolo raro, vel sacculo mūdo materias incluseris, & ut dictum est, in vinum demiseris. Quod diebus nonnullis hinc exactis gustādum erit, & paulò post regustādum: & tandiu repetendum, donec vinum, rerum infusarum saporem ac odorem in

Octauum.



Præceptū  
valde ob-  
servandū.

Parasceue  
ad vinorū  
facultates.

se transtulisse, & exactè ebibisse videbitur. Quod ubi deprehendes, tum demum materias excludes, & vinum habebis pro illarū facultatibus medicamentosum, tibi sedulò custodiendum, & ne difflatum admittat, accuratè obturandum. Superioribus addere πῶς ἐργῶν non erit, quòd quæ insignem habent qualitatem, & vino remisceri debent, parua mole, maximam illius quantitatem exigent, ob saporis, vel odoris excellentem vehementiam, citam penetrationem, & extemporaneam insinuationem, quæ gustui & olfactui sese statim imprimit. Hæc si nimia erit, & ob id ingrata, dulcibus, odoratis ac suauibus emēdari, vel saltem tegi & dissimulari poterit: sicuti in medicatis fructibus docuimus. Sed de artificiis vinorum medicatorum hæc satis erunt. Nunc demum restat, ut particulares aliquot eorundem formulas tibi proponamus, cum propriis singulorum auxiliis, usu, & remediis: gradatim ab antiquorum placitis & formulis, ad recentiorum scripta, modos & experimenta eundo.

Quod ut dictum, ita etiam  
factum agnoscas, sic  
verba in rem  
confero.

VINO-



# VINORVM MEDICATO-

RVM PARTICVLARES ALIQVOT  
formulæ & præsidia, ex Græcis Flo-  
rentini Georgicis.

Vinum factitium ex Rosis,  
Anetho & Aniso.

**I**N vinum mustum, vel aliud, coniicito rosa-  
rum exunguium & montanarum, necnon  
anisi ac mellis partem, cum modico croco: simul  
ligato omnia. Id cōmodum erit stomachicis &  
pleuriticis. Colligato præterea Anethi semen in  
linteo, & in vinum demittito: somnificum erit,  
vrinam mouebit, ac cibos concoquet. Rursus  
Anisi semen, vino, vt dictum est, iniicito, dif-  
ficultatem lotij emendabit, ac visceribus sum-  
mè proderit.

Trium vi-  
norum fa-  
ctitiorum  
vires &  
naturæ.

Vinum ex Asaro, Pulegio, & Fœniculo.

Primum vrinam elicit, hydropicos & icteri-  
cos iuuat, hepaticos corroborat, ischiadicis &  
tertianarios recreat, ac februm rigores soluit.  
Secundum, aduersus serpentium & reptilium  
venena vtile est. Tertium, lapsam appetentiam  
erigit, stomachum firmat, & vrinam mouet.

Vinū ex baccis Lauri, Petroselino  
& Conyza.

Vinum ex baccis Lauri, tussi, pectori, tor-

E



minibus, & difficultatibus vrinae auxiliatur, senibus prodest, aurium doloribus succurrit, serpentibus ac reptilibus aduersatur, & mulieres, quibus vterus strangulationem minatur, apprimè iuuat. Ex Petroselino, ventriculum roborat, eius flatu discutit nauseabundos, appetentiam excitat, vrinam ducit, & somnum conciliat. Ex Conyza, stomacho est valde accommodum: paralyticis, stupentibus, tremulis, torminosis & nephriticis opitulatur, pestilentibusque morbis summè conducit.

Vinum ex Ruta, Fœno græco, Hyssopo, & Apio.

Primum aduersus venena, venenata medicamenta, flatu, & reptilia, auxiliare est. Secundum hepati plurimum prodest, præsertim si fœnum græcum fuerit contusum. Tertium, pectus purgat, coctionem iuuat, & aluo est utile. Quartum confert lotio reddendo, appetentiæ ac nervorum præcordiorumque doloribus. Sed apij semen debet mitti contusum, in vinum.

Vinum ex Absinthio & Thymo.

Amphora  
libræ 80.

Absinthij, maximè Pontici, drachmas octo contunde, & raro linteolo illiga: demum, in amphoram cum cassia iniice, & mustum optimum superfunde, relicto spiraculo, vt feruescat: deinde, reple & serua. Vsus erit ad præcordiorum



ac hepatis dolores, necnon ventriculi cruditates, & affectus alios eiusdem. Eiicit etiam animalia quæ in intestinis connutrientur. Vinum ex Thymo sic concinnatur. Thymum dum floret collectum & siccatum, terito: deinde in dolum chœnices quatuor indito, & vini albi metreta affusa, dolum ad dies x l. oblinito. Potens est mulieri lac attrahere, & ægrotudines fœmineas emendare. Hactenus Florentinus inter Græcos geponicos & medicos eximius.

Chœnix  
libræ 2. &  
quadrans.  
Metreta,  
lib. 108.  
mēsurales.

## MEDICATORVM VINO- RVM PARTICVLARES ALIQVOT formulæ & præsidia, ex M. Catone.

Vinum factitium ad aluum mouendam.

**I**N vinum mustum veratri atri manipulum in amphoram coniicito: vbi satis efferbuerit, de vino manipulum eiicito: id vinum seruato ad aluum mouendam. De eo cyathum sumito, misceto aqua, & bibito ante cœnam, sine periculo aluum mouebit: vel cyathum in ceteram portionem indito, aluum mouebit, & postridie perpurgabit sine periculo.

Cyathus,  
unc. i. semis.

Vinum concinnare, si lotium difficilius transibit.

Iuniperum in pila contundito, libram indito

E ij



Congius,  
libræ 10.

*in duobus congiis vini veteris: in vase mundo deferuefacito. Vbi refrixerit, in lagœnam mitto: mane ieiunus cyathum sumito, proderit.*

*Vinum ad Ischiadicos.*

*De Iunipero materiam semipedem crassam minutim concidito, feruefacito cum vini veteris congio. Vbi refrixerit in lagœnam cōfundito, & postea vtitor id vini cyathum: ieiunis manè proderit.*

*Vinum ad tormina, & si tineæ, & lumbrici molesti erunt.*

*Sumito triginta mala punica acerba, contundito, indito in vrceum, & vini nigri austeri congios treis superponito: vas oblinito: post xxx dies aperito, & vtitor: ieiunus hemina bibito.*

Hemina,  
vnc. 10.

*Vinum ad dyspepsiam & stranguariam.*

Quadrantal idem  
quod amphora.

*Malum punicum vbi florebit colligito: tres heminas in amphoram infundito: vini veteris quadrantal addito, & fœniculi radicem puram cōtusam ad heminam vnā. Oblinito amphorā, & post dies xxx aperito & vtitor. Vbi voles cibum concoquere & lotium facere, hinc bibito quātum voles sine periculo. Idem vinū tineas etiā perpurgat & lumbricos, si sic concinnes. Incœnatū iube esse: postridie thuris drachmam conterito, & mellis cocti drachmam vnā, & vini prædicti sextarium: origanum dato ieiuno,*



& pueropro atate triobolum, & vini hemi-  
nam. Haëtenus M. Cato, qui in mensuris ve-  
hementior paulò est, si hæc tempora & corpora  
spectes.

Triobol<sup>9</sup>,  
drachmæ  
duæ semis

## MEDICAMENTOSORVM

## VINORVM PARTICVLARES

aliquot formulæ, & præsi-  
dia, ex Dioscoride.

## Vinum Rhodites seu è Rosis.

**R**OSARVM contusarum minam linteolo de-  
ligatam, in musti sextarios VIII demer-  
gito, & post III menses defacatum vinum  
transfundens recondito. Vtile est his qui febre  
carent, & ad ventriculi coëctiones, eiusque do-  
lores, à cibo potum. Valet etiam contra humiditas  
aluos & dysenterias.

Mina & li-  
bra, idem.

## Vinum Absinthites.

Varie sunt apud Dioscoridem vini huius  
concinrandi formulæ, ex quibus hanc paratu  
faciliorem tibi selegimus. Absinthij Pötici mi-  
na tusa, & raro linteo deligata, in cado musti  
maceratur binis mensibus. Vtile est vinum id  
stomacho, vrinam mouet, coëctionem tardam  
accelerat. Hepaticis, regio morbo, & renum  
vitiis auxiliatur: fastidia discutit, & iis prodest,

Cadus qui  
& metreta  
dicitur, ca-  
pit libras  
108.

E ij



quibus Venter negotium exhibet. Valet contra longam præcordiorum distentionem, & inflationes, teretesque ventris tineas, & remoratos menses.

### Vinum Hyssopites.

De ampho-  
phora vi-  
de supra.

Libra foliorum hyssopitisorum, & linteolo raro cum quibusdam lapillis inuolutorum (ut degravatus pondusculo fasciculus sidat) in musti amphoram coniicitur. Vinum post XL dies defæcatum elutriatur. Prodest contra pectoris, laterum & pulmonis vitia, veterem tussim & suspiria. Vrinā cit, torminibus & horroribus februm circuitu repetentibus auxiliatur, ac menses mouet.

### Vinum è Betonica.

De congio  
suprà.

Præceptū  
vniuersale  
& notādū.

Herbam semine prægnantem cum suis ramulis, libræ vnius pondere, congiis duobus vini macerant, & post VII mensem transfundunt. Ad multa interaneorum vitia, ut frutex ipse, pollet. Et, ut in vniuersum dicatur, factitia vina, misturarum vires sibi asciscunt. Quare non difficile fuerit iis qui illarum naturas norunt, vinorum vires coniectura quadam assequi. Veruntamen, vinorum vsus febricitantibus abdicandus est. Fit etiam è Betonica acetum ad eadem vitia vtile.

### Vinum Thymites seu è Thymo.



*Valet contra aegras coctiones, fastidia, dysenteriam, nervorum & precordiorum dolores, hybernos algores, & venenata animalia, quorum morsum frigus insequitur, aut putrescit locus. Ad eadem pollet Vinum Origanites.*

*Vinum ex Asaro & Dauco.*

*Prius Urinā ciet, ac hydropicis, regio morbo laborantibus, hepaticis, ischiadicisque conuenit. Posterius facit ad dolores thoracis, precordiorum & vulus. Menses pellit, ructus euocat, & Urinam cunctantem ducit. Prodest etiam tussi, ruptis & vulsis.*

*Vinum Saluiatum & Marrubiatum.*

*Quod prius est, valet contra renum, vesicæ & laterum dolores, sanguinis reiectiones, tussim, rupta, vursa, & suppressos menses. Posterius conuenit vitiis pectoris, & omnibus morbis quibus marrubium.*

*Vinum ex Apio, Anetho, Fœniculo, & Petroselino.*

*Omniū eadem est conficiendi ratio, & vires eadem. Sumuntur seminis apij recentis maturi & cribrati vnciæ nouem, linteo raro colligantur, & in musti amphoram demittuntur. Appetentiam excitat, stomachicis auxiliatur & difficili Urinæ, ac faciles spiritus facit.*

*Vinum Granatorum.*

*E üij*



Varij mo-  
di compo-  
nēdi vini  
Punicorū.

Ex variis artificiis quibus Vinum istud concinnatur, hic aliquot Dioscoridi ac recentioribus probata conscribemus. Succus exprimitur ab acinis punicorum, quibus lignosus abest nucleus (apyrena vocant) & ad tertias decoquitur, ac ita reponitur. Efficax est contra fluxiones internas, & febrim cum alui profluvio exortam. Vrinam mouet, aluum astringit, & stomacho admodum est vtile. Alij repurgatos Punicorum acinos, statim prælo subiiciunt, & expressum succum vitreis amphoris recondunt, ibique per se tandiu efferuescere sinunt, quousque deferbuerit & subsidat fæx. Deinde in alias transfundunt amphoras, quod à fecibus repurgatum eximunt, & oleum super affundunt, ne mora longa vapescat vel corrumpatur & acefeat. Sunt qui repurgatos acinos cum pari mensura vuae nigræ, saporis austeriusculi, remisceant, calcent, & per se efferuescere sinant, quoad vinum, clarum euadat. Deinde percolatum, in doliolis adseruant: sic enim gustui plurimum aridet. Modum alium expeditum reperies in nostro medico Horto, campi VII, area XI, Vbi de facultatibus punicorum agimus, quas etiam agnoscit Vinum ex illis concinnatum, quando factitia vina misturarum vires sibi adsciscunt: Vt ex Dioscoride proposuimus in Vino è Beto-



*nica. A quo plura, & longè diuersa Vinorum medicatorum genera reposces.*

VINORVM MEDICATO-  
RVM PARTICVLARES ALIQVOT  
formulæ & auxilia, ex Arnaldo Villa-  
nouano, & aliis.

Vinum mirabile pro melancholicis.

**Q**VI laborant melancholia ex bile adusta collecta in vasis hepatis ac venarum, vt scribit Arnaldus, aut natura sunt biliosi, componant sibi vinum secundum aliquam ex præcedentibus formulis, quod capiat buglosi, foliorum senæ, rosarum rubrarum exunguium, florum borraginis & buglosi, singulorum mundatorum, quam voluerint partem, iuxta proportionem vini concinnandi. Huius vsus salubris erit, per Veris & hyemis tempora, & maxime autumnus, in quo præcipue viget melancholia. Si diu seruari debet, tuenda tantum sanitatis gratia, & non profligando præsentis morbo, excludetur sena, & loco eius substituetur Behen albi & rubri, ana (vt loquuntur) hoc est singulorum, vncia vna. Vinum id, melancholicis tristitiam aufert, ærumnosas cogitationes abigit, lætitiā inducit, rationem componit, cor

Vfus vini  
melancho-  
liam emē-  
dantis.



exhilarat, & humorum incinerationes emendat. Valet etiam aduersus quartanas ex adustione factas, & sanguinem à limo ac fecibus repurgat, corporisque habitum reparat. Potest id vinum alteri misceri, & solito more sumi, si paulò potentius ac medicamentosius esset.

Vinum cardiacum seu cordiale.

Vinū buglossatum.

Fit ex borragine, melissa, buglossò, & cinnamomo. Prodest aduersus cordis palpitacionem, & cardiacum affectum. Sanguinem corruptum emaculat, scabiem abolet, lepram curat, spiritus recreat, & animum exhilarat. Melancholicos humores & adustos per vrinas educit, ac cerebrū à crassis, turbulentis & ærumnosis melancholiæ fumis expedit. Quibus addo, ait Villanouanus, quòd dementes & furiosos, vinculis retinendos, plurimum recreat, & ad rationis discretionisque vsum perbellè reducit.

Historia pulchra.

Testis est mihi conscientia, inquit, nisi viderim matronam quandam hinc liberatam: quæ frequenter ex quauis iracundia, velut demens & impos animi efficiebatur, dicenda tacenda loquebatur, & adeò furiosa & intractabilis fiebat, vt ligari cogeretur, donec deferbuisset furor, & illa ad se rediisset. Fuit ei præstantissimo auxilio, & presentissimo remedio, vini istius vsus, indicatus à peregrino homine quodā, elee-



mosynam pro foribus dictæ matronæ implorāte,  
 Ut ille idem Villanouanus scribit. Qui etiam te-  
 statur succum borraginis, aut buglosi defæca-  
 tum, seu (ut loquuntur) clarificatū, ad superio-  
 res affectus valde prodesse, si vino misceatur,  
 & quotidie hauriatur: nec indiget vlla dulco-  
 ratione, quod ex se multum sit dulcis ac suavis  
 succus ille.

Succus  
 borragi-  
 nis.

Vinum Passulatum, vel vuarum  
 Damascenarum.

Passule & Damascenæ vuae, succosæ & à  
 suis vinaceis vel nucleolis repurgatæ, ac parum  
 contusæ, mittuntur in vas idoneum, cui super-  
 funditur mustum, & quibus dictum est modis  
 perficitur. Vtile est senibus, valetudinariis, pi-  
 tuitosis, melancholicis, & mulieribus delicatu-  
 lis. Pectus lenit, iecur & ventriculum robo-  
 rat, sanguinem emendat, putrefactioni resistit,  
 nauseas tollit, corpus impinguat, ac bellè nutrit.  
 Asthmatis & tussi auxiliatur, coëtricem facul-  
 tatem cum aliis naturalibus, summè iuuat, &  
 lienteriam, aluique fluxiones compescit. Synco-  
 pem tollit, humiditates consumit, ac hydropi  
 aquosæ succurrit. Paucis, qui hoc vino vtitur,  
 à pituitosis infirmitatibus defenditur.

Vinū præ-  
 stantissimū  
 & saluber-  
 rimum.

Vinum Cydonites, seu Cotoneorum.

Vinum melites, seu cydonites sic fit. Mala



De metre-  
ta scriptū  
suprà.

Cōpositio  
Hydrome-  
li.

Vires præ-  
stātissimæ  
hydrome-  
li.

cotonea, seminibus suis castrata, frustulatim  
scinduntur, rapi modo, ut scribit Dioscorides,  
& duodecim librarum pondo, in musti metre-  
tam, diebus XXX maceratur: postea defecatum  
vinum reponitur. Id astringit, roborat, & re-  
creat. Vnde cardiacis, stomachicis, hepaticis,  
dysentericis, nephriticis, & urinae difficultati-  
bus, summè prodest. Qui post macerationem  
exempta cotonea coquere volet, ac per saccum  
excernere, & saccharo condire, habebit cydo-  
niatum satis laudabile, & familiae egrotanti sa-  
lutare. Est & Hydromelum multis celebratū,  
ac falsò Hydromel à plerisque nuncupatū, cum  
nihil mellis admittat, et nomē habeat ab aqua,  
& cydoniis, quæ Græci  $\mu\sigma\lambda\alpha$  nuncupant. Hu-  
ius compositio hunc habet modum. Novis im-  
bribus coelestis aqua mundo vase excipitur, diu  
in umbra quiescit, percolatur defecata, & in  
ea tandiu macerantur cydonia, suis interaneis  
purgata, & frustulatim diuisa, donec succus  
transiisse videatur in colorem vini gilui, aut pal-  
lidi. Demum lento igni, ex carbonibus absque  
fumo excitato, coqui, ac despumari debet: post-  
ea in vas refundi, quod diligenter opertum, loco  
idoneo reseruabitur. Post septimum mensem pro  
vino uti licebit, ad oīa corporis vitia, quæ robo-  
re virium & astrictione indiget: cuiusmodi sunt



resoluta, dissoluta, imbecilla, sudoribus diffluentia, & similia. Viscera omnia laxa recolligit, nauseam & vomitum compescit, lapsam appetentiam erigit, ventriculū firmat, lubricas aluos retinet, hepar calidum emēdat, hæmoptoicis & sanguinem spuentibus succurrit, coctionem adiuvat, ac reptantes in cerebrū vapores deprimit. Ante cibum retentricem facultatem stabilis, intestinis robur addit, & deprauatū illorum motum componit. Vfus eius omni etati, sexui ac regioni, vt scribit Auicenna, valde congruit, letitiam inducit, sitim restinguit, colorem faciei reparat, debiles renes confirmat, ebrietati ac crapulæ occurrit, & conualescentibus omnibus valde prodest. Sed de multis id illi est admirabile, quòd contra auram pestilentem, venena, ac venenata, diuinitus opponitur, & præbicitur, quemadmodum sæpius exploratū vidimus. Caterū, si quis volet ex tempore vinum cydonites sibi comparare, sed superiore multò infirmius, assata cotonea, depellata, & adhuc calentia in vinum generosum mittat, & horis aliquot inibi maceret, deinde vinum illud percollet. Vel purgata cydonia & exenterata, in vino

Notandum  
& obseruandum.

Aliæ formulæ componēdi vini cydoniati.



Quomodo  
fiat cydo-  
niatum la-  
xatiuum.

componat, vinumq; illud transcolet, ac in vsum custodiat. Si reliquias cotoneorum, vt paulò antè ostendimus, condire volet, habebit cydoniatum non ignobile. Cui, post secretionem & sacchari misturam, si vnà etiam Rhabarbari optimi, & subtiliter puluerati, idoneam portionem adiecerit, aut clementer purgans medicamentum aliud addiderit, & miscellanea illa confuderit, tribulauerit, & recoxerit, habebit præstantiss. cydoniatum & valde accommodum aluo mouenda, & corpori vacuando, idque multò certius & salubrius, quàm ex eo quod scammoniatum Lugduno adfertur, quemadmodum in Horto nostro medico haud ita pridem scripsimus. Ad quem, vt reliqua cotoneorum secreta agnoscas, te libenter mitto. Inuenies illic quod didicisse iuuet.

### Vinum Rosmarinatum.

Inuentio  
vini Rosif-  
marina-  
cci.

Vinum ex Roremarino concinnatum, nouum non est, nec in nostra Europa inuentum: de quo hùc in modum scribit Arnaldus Villanouanus, autoris cuiusdam anonymi verba referens. Cùm essem, inquit, in Babylonia, multis precibus & instanti efflagitatione accepi à quodam vetulo & docto medico Sarracenorum, virtutes Rosmarini, quas Rabi quidam pro summis habebat arcanis nemini publicandis. Inter alias vi-



num proponebat, cuius compositio non degenerat à formulis aliorum vinorum medicatorum. Eius facultates planè sunt admiranda in omnibus frigidis ægitudinibus, præsertim capitis & nervorum. Languentem & deiectam appetentiã excitat, cor suo odore dilatat, spiritus omnes recreat, dissipatos recolligit, cerebrum roborat, mēbra laxa & fluida stabilit, ac tremulas corporis partes cōfirmat, tam potu, quàm fotu: dum facies eo eluitur, elegantem ac summè pulchram reddit, expolit & erugat. Si arteriæ brachiorum & temporum eo intingantur, & foveantur, illico vires cerebro & cordi communicant, & proinde auræ contagiosæ ac pestilenti morbo valde occurrunt, partes illas principes aduersus huiuscemodi luem armādo ac roborando. Vsum insuper habet summum, ac facultates eximias, vt corpus reddat immune ab anthracibus, furunculis, scabie, & malignis pustulis oībus, excrementitias superfluitates, ac superflua & mucosa excrementa dissipando, & internas corruptiones emendando. Pituitam incidit, melancholiam diluit, sanguinem emaculat, obstructa reseat, crassa tenuat, lenta diffecat, & ab omni corruptela corpus vindicat. Quandocunque os vino isto colluitur, suauem & odoriferum conciliat halitum, dentes emendat, gingiuas robo-

Miræ facultates  
vini ex  
Rore marino.



Reuale-  
scientes ex  
lōga infir-  
mitate.

Vinū Ro-  
marinātū  
theriacis  
vicarium.

rat, & si quod vitium illis inest, ad vnguem curat. *Hulcera manantia & humida resiccat, putridisque febribus summè auxiliatur. Si quis à longa infirmitate reualescens, pane tosto, & huic vino intincto, necnon saccharato, ieiunus vtatur, collapsam appetentiam suscitabit, ac ventriculo summè commodabit. Phthisicos, he-cticos, paralyticos, lethargicos, epilepticos, cardiacos, quartanarios, coeliacos, pulmonarios, podagricos, nauseabundos & fluxionibus obnoxios quosuis, tam potu, quàm fotu, mirū in modum adiuvant. Quod etiā prestare fertur vinum macerationis & decoctionis florū eiusdem. Sed ex omnibus facultatibus, quas præstantissimas habet vinum istud, ea est, quòd theriacis vicarium vbiq̃ue habetur, contra venenatos cibos & potiones, necnon venenata omnia, aut venenaturam habētia. Quod postremum erit, mirandum in modum auxiliatur mulieribus, quæ mensium suppressione, & vteri affectibus laborant: facitque plurimū ad conceptus, etiam si longo tempore desperati sint. Hæc partim ex Villanouano, partim ex multorū experimentis & libris, bona fide hīc tibi communicare & impertire voluimus.*

Vinum obstructions aperiens, &  
melancholicos emendans.

Fit



Fit ex foliis & radicibus cichorij, scolopendrea, endiuia, & aliquot summitatibus absinthij. Quæ post longam macerationem in vino, & sufficiente decoctionem percolantur, & vinum aliud superfunditur, recoquitur, ac postremo per colatorium exceptum, priori miscetur, & in vase idoneo reservatur. Si insignem amarorem, aut gustum aliquem ingratum præ se tulerit, emendabitur, quo dictum est modo in Fructibus medicatis. Valet tale vinum ad tollendas obstructions hepatis, lienis, & viscerum, amoliosque affectus hinc natos: quales sunt icterus, nubilium pallidi colores, & similes. Si vncia vna, vel drachmæ decem epithymi & polypodij quercini, modicè contusorum, macerentur in selibra generosi vini albi, & leniter ferueat, deinde percolentur & hauriantur, melancholicis opem miram adferet, si potio per aliquot dierum intervalla repetatur. Compositio copiosa fieri poterit, & ad vsum reservari.

Vinum ad omnes obstructions.

Vinū pro melancholicis.

Vinum Euphragiatum ad oculos.

Mittitur Eupragia in mustum, & quibus dictum fuit modis conficitur vinum, cuius usu oculi senum iuueniles fiunt. Nam impedimenta quibus visio deprauatur, aut imbecillior euadit, ab omni homine cuiuscunque fuerit ætatis, habitus & temperamenti aufert. Noui quædam

Impedimentorum visus ablatio.

F



Impedi-  
mentorū  
visus abla-  
tio.

inquit Arnaldus, multo tēpore nihil videntē,  
& hinc vitam miserē trahentem, qui intra an-  
num præsidio huius vini, visionem sibi repara-  
uit. Nam eo priuilegio dotata est planta vnde  
conficitur, vt vitiatis oculis præsentiſſimo sit re-  
medio: adeò quòd si puluis eius cum vitello oui  
exhauriatur, rem miram in restauranda visio-  
ne præstabit. Idem fiet si cum vino albo propi-  
netur, cui premacerata vel præbullita sint ali-  
quot fœniculi grana. Cuius rei testes sunt multi  
adhuc superstites (inquit Arnaldus) & fide di-  
gni, qui factò experimento, literas etiam minu-  
sculas & subtiles legerunt, cum antea, absque  
perspicillis & ocularibus, ne maiusculas quidem  
videre possent. Si id vini aqua fœniculi tem-  
peraueris, eius vires summè augebis.

#### Vinum Enulatum.

Enula cā-  
pana red-  
dit præcor-  
dia sana.

Vinum in quo per triduum macerata fuerit  
Enula campana, seu Helenium, mirabili effe-  
ctu visum illustrabit, & pesti pugnabit, menses  
ac vrinas mouebit: inflationibus, torminibus,  
serpentium morsibus, & tussi ac pectoris vitiis  
etiamnum auxiliabitur.

#### Vinum Saluiatum.

Quocunque fiat modo vinum è Salvia siue  
per decoctionem plantæ in vino, siue per suspen-  
sionem eiusdem in sacculo, mirabilis est vsus &



facultatis aduersus gingivarum vitia & relaxationes, dentium vacillantium dolores, nervorum & nervosarum partium affectus, paralysis, contractionem, conuulsionem, tremorem, & similes. Nam nervos valde roborat, recreat, ac sustinet, tã potu, quàm calente fotu, post longam & blandam frictionem. Nec quidquã est, ut tradit Arnaldus, eo præsidio certius ac melius. Prodest etiam aduersus epilepsiam, quæ vitio stomachi, vel vteri, per partiũ sympathiam & consensum excitatur. Reliqua tibi cõferenda erunt, cum his quæ de facultatibus Saluie scripsimus in Horto medico: quando medicata vina, eorum viri referũt, quibus remiscuntur, ut ex Dioscoride antea adnotauimus.

Salvia in  
nervorum  
affectibus  
præstatis-  
sima.

### Vinum Hyssopites.

Hoc vinum cum glycyrrhiza dulcoratum, vel saccharo, propriè & peculiariter vinũ se-  
num dici solet. Nam vim habet digerendi, in-  
cidendi, tenuandi, tergendì, aperiendi, attra-  
hendi, & vrinas mouendi. Magno est auxilio  
in humida tussi, & epilepsia, maxime puerili.  
Humiditates ventriculi & vteri desiccant, potu  
& fotu. Pulmonis brõchias, ab infarctu & ob-  
structione liberat: vias oēs vocales à pituita ex-  
pedit, hydropicos iuuat, & humiditate laxatas  
partes, fomētis calidis desiccant, reficit ac roborat.

Vinum se-  
num & pi-  
tuitosorũ.

F ij



## Vinum Foeniculatum.

Multę vti-  
litates ex  
vino fœni-  
culato.

Conficitur hoc vinum ex semine fœniculi, valétque plurimùm aduersus oculorum caliginem, ventris flatus & tormina, hydropem, & cakexiam, seu malum corporis habitum, in pueris maximè. Quod se expertũ tradit Arnaldus. Præterea venenis ac cibis malarum qualitatum occurrit, & contra tusses, pulmonisque vitia summè opitulatur. Lac & genitale semen multiplicat, nauseam tollit, laterũ dolores sedat, colicos cruciatus demulcet, ventos internos dissipat, coctionem iuuat, obstructa aperit, & splenis, hepatis ac ventriculi labores finit. Si ex radicibus cõponatur id vinum, nephriticis & renum calculo vexatis medebitur, vrinas proluciet, vesicæ commodabit, ac menstrua soluet.

## Vinum Eryngatum.

Vinũ con-  
ceptus ad-  
iuuans.

Fit, vt cætera vina, tam radice quàm tota planta. Stranguriam & vrinæ stillicidium statim soluit addito saccharo, & ad generationem mulieres cessantes excitat, imò etiam viros, semen augendo. Menses ac vrinas pellit, & tormina inflationesque discuit. Prodest etiam contra iecinoris vitia, venena, pestem, & alia à multis experta.

## Vinum Anisatum,

Obstructiones internas liberat, flatus discu-



tit, ructus acidus componit, coctionem reparat, & coli excarnificationes emēdat. Sed omnium maximè mulieribus prodest, quibus lac multiplicat, si comite optimo saccharo affatim diebus aliquot hauriatur. nam sic efficacissimum esse censetur. Renum dolores & vitia ex flatibus amolitur, ac arenulas ab iisdem clemēter excludit: maximè si quis præsumpserit dianisum & diatragacanthē. Nam statim cruciatibus sedatis, a congestis arenulis emundantur renes, & vna cum vrinis eluuntur.

Remediū  
optimum  
aduersus  
renū are-  
nulas.

Vinum Rhodites, seu è Rosis.

Aestium dici potest vinum hoc, quod per aestatem & calores corporibus summè conueniat. Fit ex rosis rubris exunguatis, desiccatis, & musto, vt dictum est, impositis ac tractatis. Idem multò citius, sed imbecillius, concinnabitur, si in vini amphoram tantum rosaceæ aquæ immittatur, quantum cuiusque gustus, & odoratus ferre poterit. Internos aestus refrigerat, cor et viscera roborat, facultates corporis vanescētes sustinet, membrorum laxitatem firmat, dissoluta resarcit, dissipata recolligit, diffuentes sudores continet, putredini resistit, & pestilenti auro ac febre, præstantissimum est remedium. Biliosus & calidis naturis admodum est salubre, efficaciterque prodest contra lyenteriam, dysente-

Vinū æsti-  
uum.

Miræ fa-  
cultates  
vini rosa-  
cci.



Faciei decus & venustas.

riam, retentricem imbecillam, vomitum, nauseam & syncopem, maximè si aqua pluuiali & chalybeata temperetur. Si eo frequenter os colluatur, præter quàm quòd dentes imbelles firmabit, & fluidas gingiuas roborabit, etiam halitus summam gratiam præstabit. Si facies eo lauetur cum succo limoniorum, indicibile decus, & admirandam venustatem illi cõparabit. Si guttula vna oculis instilletur, illorum aciem emendabit. Nam ratione vini detergebit ac munda-  
bit, & rosarum causa, oculorum substantiam roborabit, recolliget, ac firmabit.

Vinum Halicacabi, seu Alkekengi.

Hoc vinum fit ex Halicacabi acinis seu cerasiis, quando sub vindemiam in suis vesiculis flauescunt, & hinc maturitatem præ se ferunt.

Compositio cadit in aliquem modorũ initio descriptorum. Si ad extemporaneam concinnationẽ vrgeret necessitas, hac incedes via. Aliquot ex dictis cerasiis in generosissimo vino albo conterentur, macerabuntur, vna & altera ebullitione feruebũt, percolabũtur, & addito saccharo, vel tantillo cinnamomi, si opus erit, vinum haurietur. Valet contra dysuriam, vrinæ inuitã retentionẽ, ac difficilem eius expulsionem. Nam statim illam elicit, & quantumcunque suppressa fuerit, abundè fluere cogit: vnà è renibus are-

Extemporanea cõpositio vini Halicacabi.

Aduersus vrinæ vitia.



nulas adeò copiosas, & attritos calculos secum educens, ut manu excipi & facile discerni possint. Hinc fit, ut assuetus, & domesticus illius usus, nephriticos & calculosos multos à senissimis cruciatibus, ceu à quopiam immani tortore, quasi diuinitus, me monitore & consultore, eripuerit. Sed usum illius imperabam, circa nouilunia & paulò post, repurgato prius corpore cum recenti cassia Rhabarbarata. Si inueteratus erit affectus, ut in senibus, longiore mora & usu opus erit. Sed eam in rem mihi succurrit historia, ab Arnaldo Villanouano ad hunc descripta modum. Fuit tempore meo, Cardinalis quispian, cui per totum quatrimum adeò urina suppressa, ut iam totus venter inferior, utrisque modo, miserè turgeret: ex quo nihil promouentibus remediis, pro deplorato & conclamato habebatur, nisi quidam medicus Empiricus, velut ad machinas deus, opportunè illi adfuisset, & magno ac felici successu, vinum halicacabi propinasset: nam hinc usque adeò solutus fuit ei vesicæ sphincter, & ostiolum, ut concham unam, inquit Arnaldus, iugiter effuso & reddito lotio, impleuerit. Quo solo experimento medicus ille, alioquin ignobilis & parum eruditus, magnus ac diues euasit.

Remediū  
præstatis-  
simum pro  
nephriti-  
cis.

Pulcherri-  
ma histo-  
ria.

Empirico-  
rum fortu-  
næ impro-  
uisæ.

Vinum Caryophyllatum.

F iiij



Senib<sup>9</sup> vi-  
num accō-  
modum,

Caryophylli sacculo, aut linteo raro inclusi, merguntur intra mustum: vel, quod satius est, suspenduntur. Vinum valebit cōtra asthma antiquum, & putrem senum tuſsim, syncopem & epilepsiam. Coctionem iuuabit, frigidum stomachum recreabit, & halitus suauitatem conciliabit. Verūenimuerò quia corpus summè calfacit, consultiſſimum fuerit, ei vel saccharum vel glycyrrhizam addere, aut aquam.

#### Vinum Gramineum.

Ad vrinæ  
impedi-  
menta &  
labores.

Cōponitur ex radicibus graminis probè mundatis & elotis. Lumbricos occidit, renes ab arenulis vindicat, vesicam lotio grauidam & impeditam exonerat, obſtructiones hepatis aperit, necnon mesaraicarum, quæ ex cruditatibus fiūt. Dolores arthriticos placat, vacuata eorum materia pituitosa per vrinas. Nam radix graminea etiam inter diuretica recensetur. Si vinū id concinnare voles ex Polygono mare, seu centinodia, quam officinæ corrigiolam vocant, & linguam passeris, habebis præstantiſſimum auxilium, mihi sepe numero in quamplurimis foeliciſſimè expertum ad vitia omnia renū & vesicæ: maximè contra arenulas, calculum, nephritim, dysuriam, & colicos ex his cruciatus.

Vinū opti-  
mū, & val-  
de proba-  
tum.

Vinum Ebulatum, seu ex Ebulo  
vel Chamæacte.



*Vinum hoc solutivum est alui, & fit ex acinis ebuli maturis. Qui vindemiæ tempore parum calcati, in musto feruent, despumantur, per colatorium vimineum transmittuntur, & vinum defecatum vsui custoditur. Aliter, cum musto, lento igni feruent, donec pars tertia absumpta fuerit: deinde spuma exclusa, nocte una sub dio quiescunt: postridie, ut prius, percolantur. Sunt qui pro acinis radices usurpent, &, quod dictum est modo, componant. Pituitam & bilem trahit, hydropi medetur, vulvarum claustra aperit, vlceribus tam internis quam externis prodest, ac omnium maximè ischiadicis, podagricis, & lue Venerea infectis. Nam visua deiectoria, dolores eorum mirificè demulcet, vacuata & reuulsa materia, quæ ad fluxum parata erat, & iam iam fortassis viam sibi fecerat. Sed stomacho nonnihil incommodat, ob id odoratis in vinum missis recreandus, ac roborandus erit.*

Compositio  
ebulati  
vini.

Vinū ad-  
uers⁹ luem  
Venereā.

*Vinum, foetum in grauidis continens, & steriles ad concipiendum præparans.*

*Vinum flatu è corpore deturbans, & grauidas ne abortiant summè adiuuans, foetumque, donec legitimu adfuerit pariendi tempus, illæsum ac vegetum custodiens, hanc habet compositionem. Accipe seminum apij, menthæ siccæ*



Composi-  
tio prestā-  
tissima vi-  
ni.

Sterilitatis  
causæ, &  
cōceptus  
impedi-  
menta.

& ammeos, singulorū drachmas tres: mastice,  
caryophyllorū, cardamomi, rosarum rubrarum,  
singulorum drachmam vnam: cinnamomi, cor-  
ticum capparum, castorei, Zedoariæ, ireos Illyri-  
cæ, singulorum scrupulos duos, sacchari albissi-  
mi & optimi libras duas. Fiat ex his omnibus  
vinum, quo solet modo componi aromatites,  
vulgò Hippocraticum nuncupatum. Vsus erit  
manè & serò, parua quantitate. Roborat vteri  
ligamēta, vterumque ipsum exhilarat, & vir-  
tutem eius retentricem ad perferēdum onus ge-  
stationis summè iuuat. Præterea, steriles, ob fla-  
tulentam vteri dispositionem, vel eius frigidi-  
tatem, humiditatem, aut lubricā naturam, quæ  
genitale semen sibi concreditum diffluere sinit,  
emēdatis & reparatis huiusmodi vitiis, ad con-  
cipiendum, retinendum & generandum habi-  
les reddit. Hactenus, maxima ex parte, Ar-  
naldus Villanouanus, medicus & philosophus  
excellētissimus, quem pro nostra tenuitate, pau-  
lò tersius loqui fecimus quàm ferebant tempo-  
ra, in quibus prauè, sic satis, scribebat, sed rectè  
& peritè medicinam faciebat, sat superque per-  
suasus, remediis, nō verbis, morbos curari. Alia  
medicata vina ex quibuscunque plantis & re-  
bus medicamentosis ac salubribus, iuxta præce-  
dentes formulas componi poterunt, quorum fa-



*cultates, miscellaneorum illis immisissorum facultatibus, conformes crunt.*

## VINVM GVAIACI ET

EIVS LEGITIMA COMPOSITIO,  
ac vera exhibitio: cum exacta metho-  
do curandæ luis Venereæ, seu scabiei  
Hispanicæ, aut morbi Neapolitani, ex  
Petro Andrea Matthiolo Senensi.

**C**AVENDVM est à quibusdā impostoribus, Error, &  
qui cū sint earum ignari rerū quæ ad me- impostura  
dicæ facultatis contemplationem spectant, dum quorūdam  
lignum Guaiaci, vel eius cortices ex vino deco-  
quunt, cyclaminum, bryoniam, pityusam, colo-  
cynthidem, & turpetum admiscent, atque alios  
mille cacodæmones, qui eos de medio tollant.  
Quippe nulla habita temperamēti, egritudinis,  
temporum anni, sexus, nec ætatis ratione, singu-  
lis diebus huiusce decocti tepidi cyathum omni-  
bus indifferenter potandum exhibent. Quo fit,  
ut si sorte quadam vnum quandoque persanent,  
decem postea iugulent, tāquam improbi carni-  
fices. Verū, ut quisque horum manus euitare,  
atque effugere possit, operæpretiū visum est, vi-  
ni Guaiaci cōficiendi rationē subiūgere, ac sub-  
inde hauriendi modum addere. Sumito igitur li-



Cōpositio  
vera & le-  
gitima vi-  
ni Guai-  
ci.

Alia vini.  
Guaiaci  
cōpositio  
vindemiæ  
tempore.

gni Guaiaci præstantissimi, limâ in scobem tenuissimam attriti, aut tornatili instrumento minutim concisi, libras quatuor, corticum eiusdem libras duas: cardui benedicti librâ vnâ & semis: adianti, aspleni, florum vtriusque buglossi, cuiusque librâ: cassiæ odoratæ drachmas sex: seminis anisi sescunciam, sacchari libras quinque. Deinde coniiciantur omnia in cadum vinarium mundum aptæ capacitatis, desuper affusis vini albi quamoptimi & feruētis, libris centum & quinquaginta, mox diligenter vas operculetur, omniâq; sic macerari triduo dimittantur. Post triduum verò linteo percolētur, afferueturque huiusce macerationis vinum, in alio vase ad egrotantium potum. Siquidem bibitur hoc tam in prandio quàm in cœna, secūdi Guaiaci decocti loco, non manē, neque vesperi, serapij vice, quemadmodum temerē multi facere consueverunt. Hoc idem vinū longē etiam melius, & maiore quantitate vindemiarum tempore, confici potest, admixtis ligno, cortice, cæterisque aliis, recentibus viuis albis in mustum compressis, ibique tandiu dimissis, quousque mustum effervesce desinat, & pellucidum, clarumq; reddatur: verūtamen multiplicanda sunt omnia, quæ conueniunt medicamenta, pro vuarum ratione.



Præter huius vini potum cibus associandum, bis in die, manè scilicet & vesp̄eri, tribus aut quatuor horis antea quàm sumatur cibus, ægrotantibus exhibeo decocti ligni ex aqua, secundum communem medicorum vsum senas, vncias, admixtis vncis duabus liquoris, hoc modo paradi. Sumito primū adianti, lupi salictarij, fumarie, aspleni, senæ, singulorum manipulos tres: radicū centaurij magni, glycyrrhizæ, filiculæ, vtriusque buglossi, singulorum vncias quatuor: seminis anisi, melanthij, florū satiui & erratici buglossi, omnium santalorum, cassiæ, quā cinnamomum vocant, singulorū drachmas quinque. Hæc ex aquæ libris viginti quatuor, decoquantur ad tertias, demum colentur. Sumito deinde præstantissimæ senæ, libras duas: coniucito in vas fictile oris angusti, demū percolatū decoctum feruens superimponito, ac inde obturato fictilis ore puluinari anserinis plumis farcto, ignique prius calefacto, fictile inuoluito, & loco calido collocato, ac ita per diem & noctē reponito. Postridie verò manibus sena premitur, mox dilutum percolatur: cui adiiciuntur diluti rosarum efficaciter aluum subducentis libræ sex, sacchari libræ octo: efferuescunt deinde simul subiecto igne quousque tertia pars vanescat. Quo facto additur electissimi Rhabarbari minutim cōcisi

Cōpositio  
liquoris  
præstantis-  
simi.

Senæ præ-  
paratio  
optima.



uncia, ac ita iterum feruent omnia, donec Zulapij modo consistat liquor. Postremò percolatur linteolo, & vase vitreo reconditur. At si agrotantes multa pituita redundet, decocto præscripto, optimi turpeti uncia utiliter addi potest.

*Victus ratio pro dietariis Venereo morbo correptis.* Superest victus ratio, quæ agro talis præscribenda est, scilicet ut tam in prædio quàm in cœna edat panis ternas tantum uncias, sitque is similaceus, ac probè in clibano coctus: item totidem carnis pullorum gallinaceorum, perdicum, attagenarum, turdorum ac auicularum, in syluis, vineis ac montibus victitantium, assatæ potius quàm elixæ: quin & vuae passæ modicum. Bibat autem oportet præscripti vini equam cum cibo mensuram. Quòd si quis purum id bibere nò posset, diluatur aqua quæ i phialis vitreis addita Guaiaci unciola, breui tēporis spatio efferbuerit.

*Quo tempore instituenda dieta & curatio.*

Tempus huic curationi aptissimum est Ver, Martio, Aprili & Maio mensibus. Quòd si hoc tempore fieri non possit, fiat mense Septembri in Autumno. Nā sicut æstiuis ardoribus, & exurente iam Sirio, non modò diuturna pharmaca, sed ne quidē breuiatolerāt hoīes: ita nec brumali tēpore, dum ingēti frigore sæuit hyems. Interea ægris sine metu noxæ indulgere licet, modò celi serenitas adsit, ut quādoq; in proximis hortis, ac viridariis solatij causa, lento gradu deambulent.



Quippe quoniam huiusmodi hortorum amœnitate, animus plurimum leuari solet.

In hac etiam curandi ratione, quosdam magis, alios minus perseuerare oportet, pro morbi necessitate, & salutis mensura. Hac ergo ratione Vinum Guaiaci exhibitum, nō modò medetur cuique acerrimo Hispanæ luis & Neapolitani morbi incommodo, sed etiam diuturnis articulorum, capitis, nervorum, ventriculi, iecinoris, lienisque morbis pituita genitis, mirificè succurrit. Nec minùs etiam podagra laborantibus opem fert, modò diuturna admodum non fuerit ægritudo. Porrò in hoc etiam illud observandum est, quòd ego Guaiaci Vinum iis tantum potandum exhibeo, quibus tantum pituita redundet, vel saltem non exuperet bilis. Si quidem biliosis secundum ac tertium ligni ex aqua decoctum, vini loco semper cum cibis præbendum cœui, ut cōmuniter ab aliis fieri solet. Hactenus Andreas Matthiolus Senensis, medicus doctiss. & diligentiss. suis in Dioscoridem Cōmentariis. Qui nostro instituto colophonem imponet.

Quibus  
profit vini  
Guaiaci  
exhibitio.

FINIS VINORVM MEDICATORVM  
per ANTONIVM MIZALDVM Monlu-  
cianum, Medicum, publicè  
omnium vtilitati pro-  
positorum.

1564.







# COMPOSITIO PRAESTAN-

TISSIMI VINI AC DILUTI

è Sena, cum viribus & facultatibus ipsius Senæ.



**O** PUSCULUM de factitiis & medicatis Vinis, iam iam, ut vides, ad Umbilicos perduxeramus, suamque typographus impressoriam supellectilem & literarias machinulas colligere festinabat, cum mihi in mentem venit Vinum è Sena compositum, tantoperè à multis celebratum & cōmendatum: quod quo fato superius nobis exciderit, planè ignoro. Scribam itaq; paucis de eo, & facultatibus Senæ, ac diluto ex illa salubriter & efficaciter comparando: quando nullum hodie medicamentum purgans, omni ferè populo, frequētius habetur, ac familiarius vsurpatur. Diximus paulò antè, Vinum maximè amicum esse calori innato, ac summè accommodum corpori alendo, fouendisque & roborandis illius facultatibus, ac reparandis spiritibus collapsis, vel aliter affectis. Adhæc, medicamenta vino infusa, & macerata, suū opus accelerare, ac multò præstātiora euadere, etiam si tardæ & pigre fuerint operationis. Ex quo rectè Abinzoar

Vinum è Sena in superioribus prætermisum.

Vini natura & priuilegium.

G



Pulcherri-  
ma & no-  
ratu di-  
gna.

Composi-  
tionem vi-  
ni Senetici  
non differ-  
re ab aliis  
medicatis  
vinis.

Sena tor-  
minosa.

medicus Arabs dixisse mihi videtur, nec cibū,  
nec medicamentum, vino vnquam priuari de-  
bere: & Mesues eiusdē familiæ Doctor excel-  
lentiss. ingenium medici eò maximè aspirare de-  
bere, vt medicamentorum sapor in cibariorum  
gustum conuertatur. Nam tum natura sese ex-  
plicat & liberè componit, vt quod offertur, hi-  
lariter ac incundè amplectatur, sicuti initio me-  
dicamentorum vinorum fusiſsimè exposuimus. Qui  
itaque vinum ex selecta Sena concinnare sata-  
gunt, nā illi præclare sibi consulunt: cuius com-  
positio latum, quod dicunt, vnguem, nō differt  
à formulis antea descriptis. Si vindemiæ tempo-  
re conficies, optimè ac salubriter ages. Nam ita  
copiosum tibi, familiæ, & amicis, facile compa-  
rabis. Cui si addideris aromatica, stomachica &  
cardiaca, nec non flatuſ dissipātia, aut acria, non  
solum purgatorias vires ei accelerabis, sed sto-  
macho ac visceribus summè etiam cōmodabis:  
ob tormina quæ Sena excitare solet: licet id neget  
Manardus, ea potissimū causa, quòd illam folia  
(quibus maximè vtimur) subamara et adstrin-  
gentia habere dicat. Vt vt sit, torminosum me-  
dicamentum esse experimur, etiam in paratis  
corporibus, quidquid cum doctiss. Manardo  
scribat Andr. Matthiolus, medicus præstantiss.  
Ioannes Mesuæ hanc vini Senetici compositio-



DE FACULTATIBVS SENAE.

nem profert. Vino musteo albo, inquit, miscebat quidam vim magnam Senae, post tres mēses potandum dabat, sicque purgabat cerebrum, & sensoria instrumenta, gaudiūque augebat. Sunt qui decocto Senae cum prunis & spica, feliciter purgent: sed modicam coctionem sustinet. Infunditur ab aureis tribus ad vnciam vnam. Clementer deturbat melancholiam & bilem vltam à cerebro, sensuum organis, pulmone, corde, hepate & liene. Proindeque morbis dictarū partium, ab humore huiusmodi proficiscentibus succurrit, vt melancholicis febribus & antiquis: gaudium gignit, ablato humore sine causa externa tristante. Floridum corpus efficit, & viscerum obstructiones aperit. Venio ad eximiam illam & exactam præparationē diluti Senetici, aut, si maior est Sena, quam Andreas Matthiolus medicus doctiss. hunc in modum præscribit. Sumuntur foliorum electissima Senae drachmæ sex: Zinziberis, aut cinnamonomi contriti, drachma vna: florum buglossi drachmæ duæ: miscenturque omnia, & fictili vitreato, aut stanneo vase angusti orificij excipiuntur, affusisque feruentis aquæ, vel seri caprini vncijs decem, vasis osculum adeò occluditur, vt nullus omnino spirandi pateat exitus. His peractis, puluinari plumis anserinis farcto,

Senæ facultates præstantissimæ.

Compositio diluti Senetici præstantissimi.



DE FACULTATIBVS SENÆ.

Vires di-  
luti Sen-  
tici.

Miræ fa-  
cultates  
Senæ.

Morbus  
Hispani-  
cus.

igni que calefacto vas inuoluitur, reponiturque in arca ubi pernoctare sinitur. Sic enim conseruato calore, dilutum omnem facultatem in se recipit. Eductet non solum bilem utramque, ut ex Mesuæ diximus, sed etiam pituitam, ut tradit Actuarius, & experientia probat, adhuc aquas & serosa excrementa. Mūdat cerebrum, cor, iecur, lienem, pulmonem, & omnes corporis sensus, confertque omnibus eorum incommodis: auget iuuentutem, senium tardat, & animi hilaritatem inducit. Cor roborat, maxime si commisceatur medicamentis, quæ illi sunt amica, ut violis, rosis, floribus utriusque buglossi, & similibus. Præterea delirio, ut tradit Serapio, mirifice prodest, necnon amentia, resolutioni neruorum, phthiriasi, cephalalgia, scabiei, pustulis, pruritu & epilepsia. In vniuersum medicina est optima morbis omnibus diuturnis & melancholicis. Decoctum foliorum eius & chamæmeli, cerebrum & neruos lotionibus roborat, aciemque oculorum, & auditoriam facultatem plurimum emendat. Sed prætereundum non est, quod in morbo Hispanico, ex Marnardi sententia, maximopere pollet, putres materias ac pituitam, contra Auerrhois opinionem vacuando & expurgando. Sed in facultatibus Senæ versatum satis: quas hîc fusissimè persequi



DE FACULTATIBVS SENAE.

Volui, vt, rogatus, nonnullis gratificarer, qui in  
illarum cognitione & aucupio summoperè la-  
borabant ob frequentem eius vsum: quem nos  
etiam popularem esse non ignoramus, ac pueris,  
senibusque & mulierculis omnibus admodum  
familiarem, ac penè domesticum: adeò vt non  
Sena, sed Sana hodie à multis nuncupetur. Fru-  
ere, bonis auibus, quisquis amas mentem tibi  
sanam in corpore sano.

Sena à  
multis ho-  
die Sana  
dicta.

LIBRI AB ANTONIO MIZALDO  
Monluciano hætenus editi, & publica  
omnium vtilitati expositi.

PHÆNOMENA, siue temporum signa. Lutetiae excu-  
sa, apud Reginaldum Calderium, 1546.

Idem liber Gallicè conuersus, sub nomine, *Le miroir du  
temps*. Lutetiae apud eundem, 1547.

Metéorologia, siue rerum aëriarum Commentariolus,  
&c. Lutetiae apud eundem, & anno eodem.

Idem liber Gallicè conuersus, facto nomine, *Le miroir  
de l'air*. Lutetiae apud eundem, 1548.

Cometographia, crinitarum stellarum naturam & por-  
tenta libris duobus pulcherrimis proponēs. Lutetiae apud  
Christianum Vvechelum, 1549.

AEsculapij & Vraniae medicum & astronomicum col-  
loquium. Lugduni apud Ioannem Tornæsium, 1550.

G ij



LIBRI AB ANTON. MIZALDO

Planetologia, astronomicè & medicè descripta. Lugduni apud Matthiam Bonhomme, 1551.

De Mundi sphaera, seu Cosmographia libri tres. Lutetiae apud Gulielmum Cauellat, 1552.

Zodiacus, siue duodecim signorum caeli Hortulus. Lutetiae apud Carolam Guillard, 1553.

Planetarum, seu Planetarum Collegium. Lutetiae ibidem & anno eodem.

Asterismi, siue stellatarum caeli imaginum Officina, cum Encomio docti Astronomi, ibidem & anno eodem.

Catalogi sympathiae & antipathiae rerum aliquot memorabilium. Lutetiae apud Iacobum Keruer, 1554.

Ephemerides aeris perpetuae, seu popularis & rustica tempestatum Astrologia. Lutetiae apud eundem, & anno eodem.

Idem liber Gallicè conuersus, sub nomine, *Les Ephemerides de l'air, & Astrologie des rustiques*, apud eundem, & anno eodem.

Memorabilium naturae arcanorum Syluula, Lutetiae apud eundem, 1555.

Harmonia caelestium corporum & humanorum, astronomicè & medicè demonstrata, apud eundem, & anno eodem.

Ephemeris caelestis anni 1555 praeter vulgarem modum supputata & descripta, apud eundem, & anno eodem.

Ephemeris eadem Gallicè edita, apud eundem & anno eodem.

Vsus & explicatio Ephemeridum, anno eodem, & apud eundem.

Symbolum funebre in obitum Orontij Finæi, Regij mathematici, cum eiusdem vita & tumulo, apud Aegidium Gourbin, Lutetiae 1555.

*L'Explication, usage & pratique des Ephemerides celestes, avecques tables à ce necessaires*. Lutetiae apud Iacobum Keruer, 1556.

Ephemeris anni 1556. apud eundem, anno eodem.

Eadem Ephemeris Gallicè edita, anno eodem, apud eundem.

Ephemeris anni 1557. Lutetiae apud eundem, & anno eodem.



## HACTENVS COMPOSITI.

Eadem Gallicè reddita, anno eodem, apud eundem.

De arcanis naturæ libelli quatuor pulcherrimi. Lutetia, apud Iacobum Keruer, 1558.

In eadem atrocissimam Ant. Minardi, in Senatu Parisiensi Præsidis inculpatissimi Nænia. Lutetia apud Federicum Morellum, 1559.

Hortorum Secreta, cura, & auxilia, libris tribus vtilissimis proposita. Lutetia apud eundem, 1560.

De hortensium arborum Infitione, apud eundem, & anno eodem.

Paraclesis super morte Francisci Oliuarij, Galliarum Cancellarij prudentissimi. Lutetia apud Bened. Preuorium, anno eodem.

*Singuliers secrets & secours contre la peste, bien experimentez.* Lutetia, apud Mathurinum Breuille, 1562. Hodie apud Federicum Morellum.

*Les louanges, antiquitez & excellences d'Astrologie.* Lutetia, apud Thomam Richardum, 1563.

*Instruction fort populaire pour la cognoissance des Lunes, en tous temps.* Lutetia, apud eundem, & anno eodem.

Alexikepus, seu auxiliaris & medicus Hortus. Lutetia, apud Federicum Morellum, 1564.

Methodus noua medicandorum fructuum, olerum, radicum, plantarum, vuarum, & aliorum, quæ corpus blandè & absque noxa purgent. apud eundem, 1564.

Diuerfa artificia componendorum vinorum quæ variis morbis clementer succurrant, cum multorum descriptione, & auxiliis. apud eundem, & anno eodem.

Auxiliaria medicamenta ex quadrupedibus, volucribus, & aquatilibus, tam domesticis, quam villaticis, libris tribus pulcherrimis descripta, & propediem excudenda.

## F I N I S.







